



МЕСЯЦА ОКТЯБРЯ В 28-Й ДЕНЬ

**Святая великомученицы Параскёвы,
нареченныя Пятницы**

НА ВЕЧЕРНИ

На Господи, воззвах: стихиры на 6: и на утрени канон преподобных на 6. Аще ли настоятель изволит пети полиелей, тогда поем: Блажен муж: 1 антифон. На Господи, воззвах: стихиры на 8, глас 4.

Подобен: Дал еси знамение:

Рим ты предлагает, / яко оград, цветы
благовонныя, / Параскёво многострадальная, /
верных смыслю облаговонствуя / вонями
добродетельными, / и смрад страстный отгоняя, /
благодатию, славная, всегда, / мучеников
доброта, / дев похваление и чудес пучина.

Яко слава многоценна всем дастся / от Христа
Бога нашего, / в Риме пострадавши / и в нем
бывши, славная мученице, / демонская лукав-
ствия от человек отгоняющи / заступлением
твоим. / Тем ты вси блажим / и святая твоя
страсти днес похваляем, / Параскёво многостра-
дальная.

Соблюдаема силою Христовою, / всеславная
Параскёво, / болезней телесных небрегла еси, / к
подвигом вместилася еси, / мужеским смыслом /
женскую слабость отвергши, / упованием
укрепившись, / восприяла же еси с
первенствующими / озарение, прехвальная.

Вернии, сошедшеся, / хваляще ты любовь, /
блажим подвиги твоя и страсти, мученице

Параскѣво./ Христа, Жениха твоего,/ умоли от бед и напастей избавити ны/ твоими молитвами.

От твоих кровей/ трудолюбно истинную чашу испила еси,/ желаючи по Христе, Женисе твоем, во след потещи,/ прехвальная мученице Параскѣво,/ яко ластовица доброгласная,/ песнь воспеваючи ко всех Творцу, Христу Богу,/ о празднующих память твою.

Твои родители Христовы страсти почитающе,/ знаменитаго дне тезоимениту ты нарекоша,/ воспитана же бывше, и на страсти дерзнула еси,/ и раны претерпевши,/ в темнице, аки в чертозе светле, ликующи,/ вопияла еси:/ никогдаже отлучуся Тебе, Господи,/ но послѣ ми помощь Твою/ и спаси мя великия ради Твоея милости.

Слава, глас 6:

Одесную Спаса, якоже поет Давид, предста Царица,/ и твоя душа, яко ряснами испещрена златыми,/ и жертву себе представила еси Господу твоему, яко кадило благовонно,/ принесла еси кровь плоти твоея, мученице прехвальная Параскѣво,/ молися о нас Владыце Христу Богу, да спасет души наша.

И ныне, Богородичен или Крестобогородичен: Видящи Тя распинаема: (зри страницу 400)

Аще поеши полиелей, пой Богородичен воскресен: Кто Тебе не ублажит: Вход. Прокимен дне. И чтения.

Пророчества Исаиина чтение (глава 43):

Такое глаголет Господь:/ вси языцы собращася вкупе, и соберутся князи от них, кто возвестит сий в них?/ Или яже от начала, кто слышана сотворит вам?/ Да приведут свидетели своя и оправдятся, и да услышат, и да рекут истину./ Будите Ми свидетели, и Аз свидетель, глаголет Господь Бог и отрок, егоже избрах./ Да познаете и веруете Ми,/ и разумеете, яко Аз есмь:/ прежде Мене не бысть ин бог, и по Мне не будет./ Аз есмь Бог и несть, разве Мене, спасаей./ Аз возвестих и спасох, уничижих и не бе в вас чуждий./ Вы Мне свидетели, и Аз Господь Бог,/ и еще от начала Аз есмь, и несть от рук Моих избавляей./ Сотворю, и кто отвратит то?/ Сиче

глаголет Господь Бог, избавляяй вас Святыи Израилев.

Премудрости Соломоновы чтение. Праведных души в руке Божией: *(зри страницу 791—792).*

Премудрости Соломоновы чтение. Праведницы во веки живут: *(зри страницу 791).*

На литии стихиры, глас 5.

Подобен: Радуйся:

Радуйся, Господня а́гнице, / уподобльшися честней и блаженней успешно страсти Безсмертнаго на Кресте, / мирскія страсти разорившаго, / источниче, источающий, яко воды, чудеса, / иставшая сердца, немощных дарованием исцелений напаяючи, / страсотерпице пребогатая. / Дерзость разрушила еси идольскую немощную, / Небеснаго чертога наследовавши жилище. / Христу молися / даровати душам нашим мир и велию милость.

Идеже веселящихся есть жилище, / идеже свет невечерний, / в дому́ Бога Живаго, посреде скинии дивныя, / идеже лик празднующих, чистая, / веселием, свещу имущи светлу, недреманну. / Тем наслаждающихся Вышняго Божества / и отгуду богато сияючи светлостью, / Христу молися / даровати душам нашим мир и велию милость.

Видяще силы Небесныя плотию страждущую Содетеля ради Параскёвы / и Его силою креплящуся, глаголюще: / се, и девы на земли прославиша Господа. / Человецы же, трепетом одержими, ужасахуся, / и, удивльшеся, песнями прославляху, глаголюще: / оле чудесе! / дева врага победи / и молится Милостивому Владыце за мира спасение, / да подаст мир и велию милость.

Радующися, предстала еси игемону, мученице добляя Параскёво, / ясно веру проповедаючи, / строгания многа мужески претерпела еси, / мучителя посрамивши, Христу уневестила еси. / Емуже предстоящи, молися / за чествующия тя и верою творящия память твою.

Радуйся, а́гнице вседобляя, / Агницу и Пастырю принешися жертва, / огнем всесожегаема, / яко огнем любви разжегшися по Христе, Женисе твоём. / Пламень угасивши идольского суетства, /

и свещу неугасну душевную соблюдши, / и чудесными светлостми тмы ополчения демонов страдальчески победивши, / и вошла еси со Христом в чертог Небесный. / Молися о творящих память твою даровати нам мир и велию милость.

Слава, глас 6:

Посрамися лукавый враг, от девы побеждаем, / яко праматерь содея дерзновенну ко греху. / От Девы бо родившееся Слово Отчее / непреложно и несказанно, / якоже весть Един Сам, / клятву разруши Адама и Евы / Христос Бог, / венчавый достойно Параскёву мученицу, / и той ради дарует миру очищение и велию милость.

И ныне, Богородичен.

На стиховне стихиры, глас 4.

Подобен: Яко добля:

Обагрёнии кровными / спасения одежду себе, всехвальная, обагривши / и убелившисья Духом, Господу обручлася еси, Безсмертному Царю, / соблюдающему тя непорочну и нетленну во веки веков в чертозах Небесных, / яко деву преудобрену и нетленну.

Стих: Святым, иже суть на земли Его, / удиви Господь, вся хотения Своя в них.

К ранам приобщившись, и со огнём бравшись, / и плотская влачения претерпевши, / и конобная врения доблественне пренесши, / и непобеждена бысть мыслию, и истуканным не пожре, / но преклонши Богу вью, / мечным усечением, венец носящи, на Небеса взыде.

Стих: Терпя, потерпех Господа, и внят ми, / и услыша молитву мою.

Каплями кровными обагрившись, возсияла еси проявленно, яко солнце, / и отгнала еси, всехвальная, безбожия тму благодатию, / мученице Параскёво, / и верная просветила еси, чтущия твоя доблественныя подвиги / и память светлую, и светоносную, и всеспасительную.

Слава, глас 8:

Сия глаголет Параскёва к мучителю: / враже нечестивый, игемоне, / что неистовствуеши на христианы? / ни царства у тебе отъях, ни града твоего разорих, / но буйми словесы увещати мя

помышляеши./ Аз тебе небрегú, ни твоих безумных глагол,/ плоти бо не щаждú за Христа моего,/ занé Он любит мя и Царство мне дарует,/ к Нему пойду и Того буду невеста,/ и Той мене спасет от рук враг моих,/ и дарует ми жизнь вечную.

И ныне, Богородичен или Крестобогородичен.

Подобен: О преславнаго чудесе:

Не терплю, Чадо, видящи Тя, на Древе уснúвша,/ бодрость всем подающего./ Яко да древле преступления плодóм,/ сном погибельным уснúвшим,/ Божественную и спасительную бодрость подáси,/ Дева глаго́лаше, плачущи, Юже величаем.

Тропарь, глас 4:

Премудрая и всехвальная Христова мученица Параскéва,/ мýжескую крепость при́ймши,/ жéнскую же нéмощь отвéргши,/ диáвола победí и мучителя посрами́,/ вопию́щи и глаго́лющи:/ приидите, тело мое мечém ссецýте и огнэм сожгíte,/ аз бо, радуя́щийся, идú ко Христу, Жениху моему./ Той моли́твами, Христе Боже,/ спаси души наша.

**Слава, ин тропарь (зри на странице 776)
И ныне, Богородичен или Крестобогородичен.**

НА УТРЕНИ

На Бог Господь: тропарь святей, дважды. Слава, и ныне, Богородичен или Крестобогородичен.

По 1-м стихословии седален, глас 4.

Подобен: Скоро предварí:

Женихá возлюбívши, Творца и Бога, женихá тлénнаго оставила еси,/ мученице честна́я Параскéво;/ и, радуя́щийся, претерпела еси мýки и растерзáния, и óгненное томлénие./ Темже и венец нося́щи, к Божественному чертогу возшла́ еси,/ испроша́ющи всем грехóв оставления.

Слава, и ныне, Богородичен:

Дево Всенепорочная,/ Яже Пресущнаго Бога рóждшая,/ со страстотерпицею Того непрестанно моли́/ оставление прегрешений и исправление жити́я дáти нам прежде конца,/ верою и любовью пою́щим Тя по дóлгу, едина Всепетая.

По 2-м стихословию седален, глас 4.

Подобен: Вознесыйся:

Жениха твоего, Христа, возлюбивши / и свещу твою светло украсивши, / добродетельми просияла еси, славная. / Темже возшла еси в Небесный чертог / и, венец страдания приимши, / от бед избави нас, совершающих, Параскёво, память твою.

Слава, и ныне, Богородичен:

По Бозе во Твой, Богородице, Покров Божественный прибегаю, / смиренный, припадая, молюся: / помилуй, Пречистая, яко превзыдóша главу мою греси, / и боюся, Владычице, муки, и трепещу. / Моление сотвори, Чистая, к Сыну Твоему, / от сих избáвити мя.

По полиелеи седален, глас 8.

Подобен: Премудрости:

Уневéстившисья Господу благолепно, / якоже дар, кровь и заколение Тому принесла еси, / страстотерпице отроковице Параскёво, / и чертог Божественный достойно улучила еси, / просвещения неизреченнаго непрестанно исполняема. / Темже святую и честную память твою творяще духовно, / Спаса прославляем и верно взываем ти: / моли Христа Бога грехов оставление подати / чествующим любовию святую память твою.

Слава, и ныне, Богородичен:

Яко Деву и едину в женах / Тя, без семени рождшую Бога плотию, / вси ублажаем рóди человечести: / Огнь бо вселýся в Тя Божества / и яко Младенца дойши Зиждителя и Господа. / Тем Ангельский и человеческий род / достойно славим пресвятое Рождество Твое / и согласно вопиём Ти: / моли Христа Бога прегрешений оставление даровати / поклоняющимся верою пресвятому Рождеству Твоему.

Степенна, 1-й антифон 4-го гласа. Прокимен: Дивен Бог во святых своих, Бог Израилев.

Стих: В цёрквах благословите Бога, Господа от источник Израилевых. Всякое дыхание: Евангелие от Матфея, зачало 62.

По 50-м псалме стихира, глас 1:

С Вышними чїнами причтáлася, славная, / мир оставльши и Христа возжелéвши, Параскéво всечестнáя, / проси нам мира и велия милости.

Канон Богородицы со ирмосом, на 6, глас 8: Воду прошед, яко сушу: И святыя, два канона, на 8. Глас 4

Песнь 1

Ирмос: Отвѣрзу устá моя, / и наполнятся Духа, / и слово отрыгну Царице Матери, / и явлюся, свѣтло торжествуя, / и воспою, радуясь, Той чудесá.

Светом Божественным осветившись свыше, / мрак отженї неразумия моего / и подаждь ми молитвами твоими, Параскéво, благодать, / воспевати твоих, мученице, чудес мнóжества.

Солнца светлэйши, яко истинно возсияла еси утро, / утверждение Церкви бывши Христовы, / озарила еси лучáми пóдвигов, мученице Параскéво, / твоими чудесы́ мира концы́.

Жениха, Безсмертнаго Христа, возлюбивши, / яко véрою Того страсти общница показалася еси / и восприяла еси вечное Царство / и венец нетленный, мученице Параскéво славная.

Богородичен:

Девó Всенепорочная, Христа родившая, / и Сего в ложеснáх понесла еси, истинноименїтая, / разреши мрак души́ моея и просвети́ мя, да пою Тя.

Ин канон. Глас 8.

Песнь 1

Ирмос: Поим Господеви, / проведшему люди Своя сквозе́ Чермное море, / яко Един славно прославился.

Поим Господеви, / прославльшему память мученицы, / и приводящу земныя лики к похвалению днесь.

Славу презрела еси, о богатстве нерадивши, / честная мученице Параскéво, / на страсть себе вдала еси.

Возжелá Владыка / твоея добрóты, мученице, / в Небесный чертог всели́ тя.

Богородичен:

Род Ада́мов / пáче умá блаженства Тобою рай отвѣрст обрѣтше, Богородице, / достойно хвалим Тя.

Катавасия: Отвѣрзу уста моя:

Песнь 3

Ирмос: Лук сильных изнемо́же, / и немощствую́щий
препо́ясашася силою: / сего ради утверди́ся в Господе
сердце мое.

**Па́лицами немѣлостивно би́ема, радовашеся,
лы́стом сокруша́емым и костѣм вку́пе, / приснопа-
мятная мученица Параскѣва, вопиющи: / ничтоже
мя разлучи́т от любве́ Твоея, Христе.**

**Уста́ нечестѣвых, глаго́лющая беззаконие на
преподобнаго, / и язык велерѣчив заградѣшася, /
мученица Параскѣва вопиаше, Спаса проповеда-
ющи.**

**Кровей твоих кроплѣнии безбожия огонь пога-
сила еси, / многострадальная мученице
Параскѣво, / и верных разумы просветила еси.**

Богородичен:

**Глаголы благочестѣвно исполняются
Исаиины: / Дева бо родила есть во плоти Жизно-
давца Христа, / Спаса душ наших.**

Ин

Ирмос: Ты еси утверждение / притекающих к Тебе,
Господи, / Ты еси свет омрачѣнных, / и поет Тя дух мой.

**Ты еси утверждение мое, Господи, глаго́лаше
мученица, / Ты же и заступление, / и к Тебе
прибего́х, Царю мира.**

**Явилася еси на суди́щи, мужеу́мну ду́шу
иму́щи, / и врага́, яко нехра́бра су́ща, / победила
еси, всехвальная.**

**Душѣ моея́ зѣницы исцели́, / всехвальная муче-
нице, молитвами твоими / и ум мой упрáви.**

Богородичен:

**Подаждь нам помощь / молитвами Твоими,
Пречистая, / советы отрѣва́ющи лю́тых обсто-
я́ний.**

Седален, глас 8.

Подобен: Премудрости:

**Кровей твоих стру́ями, мученице Христова, /
пото́ки нечестия́ изсуши́вши, всехвальная
Параскѣво, / одождѣнием же благодати словѣс-
ныя напая́еши бразды́, / в нихже прозяба́еши
клас веры. / К сему́ же, славная, и по смерти
явилася еси, точа́щи жизнь мучения ради, / стра-**

стотерпице всехвальная./ Моли Христа Бога даровати душам нашим велию милость.

Слава, другой седален, глас 4.

Подобен: Скоро предварй:

Постом украсивши чистоту душевную,/ лучами страдания просвещаеши верных,/ мученице многострадальная Параскёво./ Тем твой святыи и светоносный день/ верою совершающе, благочестно вопием:/ яко имея дерзновение ко Господу, моли спастися нам.

И ныне, Богородичен:

Обновила еси, Чистая, Божественным Рождеством Твоим/ истлёвшее во страстех земнородных мёртвенное существо/ и воздвигла еси вся от смерти к жизни нетления./ Темже Тя по долгу блажим вси, Дево Препрославленная,/ якоже прорекла еси.

Крестобогородичен:

На Кресте Тя возвышена яко узре Пречистая Мати Твоя, Слове Божий,/ матерски рыдаючи, вещаше:/ что новое и странное сие чудо, Сыне Мой,/ како, Жизнь всех, вкушаеши смерть,/ оживити мертвыя хотя, яко Милосерд.

Песнь 4

Ирмос: Седяй в славе на Престоле Божества/ во облаце лёгце,/ прииде Иисус Пребожественный/ нетленною дланию и спасе зовущия:/ слава, Христе, силе Твоей.

Уязвившись любовию Христовою,/ ополчения мучительская крепостию твоею умервила еси,/ благодать источаеши присноживотную:/ страстей ради мздовоздаяние, восприяла еси, Параскёво,/ мучениц Христовых доброта.

Превозшедши вся любовию Христа, Жениха твоего,/ плотскую любовь возненавидевши,/ крепко болезненная страдания претерпела еси, мученице Параскёво, вопиющи:/ не разлучи мене, Христе, от желания/ Твоего мучения подвиг совершити.

Отвергни мира суету всю,/ Богу Единому прилепилася еси, Параскёво мученице,/ и болезни страдания претерпевши,/ невесто Божия, мужеумная.

Богородичен:

Сниде, яко дождь на руно́, во утробу Твою
Господь, / якоже рече́ дре́вле пророк,
Всепорочная, / Егоже во двух Существах роди-
ла еси, / Емуже взываем: / слава силе Твоей,
Господи.

Ин

Ирмос: Услышах, Господи, / смотре́ния Твоего
та́инство, / разумех дела́ Твоя, / и просла́вих Твое Боже-
ство.

Услы́шавши, Господи, / мученица Параскёва
заповеди Евангельския, / просла́ви Твое Боже-
ство.

Не принесла́ еси отню́д жертвы де́моном
ме́рзским, / жертву жи́ву себе Господу вдала́ еси.

Крепко на суди́щи ста́вши, вопияше
мученица: / со Христом, Женихом моим,
распу́ся / и возцарствую с Ним.

Богородичен:

Очищение наших да́руй согрешений, яко
Безгрешен, / и умири́ люди Твоя, яко Благ, /
молитвами Рождшия Тя.

Песнь 5

Ирмос: Ты, Господи, мой свет / в мир пришел еси, / Свет
Святы́й, обраща́яй из мра́чна неведе́ния / верою воспева-
ющия Тя.

Свет незаходимый всели́ся в души́ твоей, / да
добродетелию сия́еши, / озаря́я тебе непрестанно
сла́влящия.

Стую́, мученице Параскёво, нечестиваго
безбожия изсу́шила еси: / течéнии кро́вными,
непра́ведно пролива́емыми, / огонь прéлести пога-
сила еси.

Ум иму́щи прозра́чен, пророческаго да́ра спо-
дóбилася еси, / хотя́щая бы́ти всем я́ве предглаго́-
лала еси, / Параскёво многострада́льная.

Богородичен:

Мати Божия, души́ мояя злóбу исцели, / родив-
шая Бога Слова неизреченно. / Сего ради вси
ро́ди блажа́т Тя.

Ин

Ирмос: У́тренююще, вопи́ем Ти, / Господи, спаси ны: / Ты
бо еси Бог наш, / разве Тебе, ино́го не ве́мы.

Утренюючи, мученица вопіяше Параскѣва:/
ничтѣже мя разлучитъ любвѣ Христовы.

Божественную мученицу мнѣв ослабѣти,/ смех
сам явися пронѣрливый.

Просвещение подаждь мнѣ, всехвальная,/ и
многмятѣжный мой ум просвети/ молитвами
твоими.

Богородичен:

Низложѣ непрестающую бурю страстѣй,/ Хри-
ста Рождшая,/ кормчию и Господа.

Песнь 6

Ирмос: Пожру Ти со гласом хвалѣния, Господи,/ Цер-
ковь вопиетъ Ти,/ от бесѣвскія крове очищися,/ ради
милости от ребр Твоих/ истекшею Кровию.

Возсиявши из Рѣма,/ яко солнце светлое,
святая мученице,/ мрак дѣмонскій от человек
отгоняющи мольбами твоими,/ Параскѣво много-
страдальная.

Исцеления приѣмлютъ приходѣщии прикосно-
вениемъ къ раце мощей твоихъ,/ кровоточивии и
прокаженнии очищаются,/ отбѣгаютъ дѣмонскія
полки,/ призываниемъ святаго твоего имени.

Утреневала еси ко Христу, невечернему
Солнцу,/ и Того светлостыи дѣшу, Богомудрая,/ и
сердце озарила еси, Параскѣво честная,/ и къ
Свету Троическому, радуясь, прешла еси.

Богородичен:

Исцели души моея страсти, Всенепорочная,/
безстрастия рождшая Источникъ,/ и отженѣ
томительство,/ непрестанно смущающее сердце
мое.

Ин

Ирмос: Рѣзу мнѣ подаждь свѣтлу,/ одейся светомъ, яко
рѣзою,/ Многомилостиве Христе Боже нашъ.

Рѣзою мя с Небесѣ приодѣй, Господи, вопіяше
Параскева,/ Иже облаки небесъ одевай, Много-
милостиве.

Якоже из рѣва Даниїла услыша Господь,/ и
также и тебе, в темницѣ молящейся, исцеление
подаваетъ.

Мучителеву гордость низложила еси,/ сама
же, невредима пребывши,/ на мѣку дерзнула еси.

Богородичен:

Слово Божие Тя земнымъ показá Небесную
лествицу:/ Тобою бо к нам снѣде.

Кондак, глас 3.

Подобен: Дева днесь:

Всесвятое и непорочное мучение принѣсши,/ яко вѣно пречестнѣе, безсмертному Жениху Христу,/ Ангельское ликостойнѣе возвеселила еси / и победила еси дѣмонския кѣзни./ Сего ради ты чѣстно верою чтим,/ мученице Параскѣво многострадальная.

Икос:

Кто изглаголет силы Господня;/ или кто повѣсть страдания твоя и добродетели, мученице;/ или кий языкъ воспети возможет по достоинству./ Темже и аз, недостойный, воспѣти покушаюся,/ хвалити же и славити Владыку Жизнодавца,/ давшего тебе на трѣзници крепость / мучителей не убоиться, исповедающей Истиннаго Бога./ Сего ради ты чтим верою и любовью,/ мученице Параскѣво многострадальная.

Песнь 7

Ирмос: Спасѣй во огни Авраамския Твоя ѓтроки,/ и халдѣи убив,/ аже правда праведно уловляше,/ препетый Господи,/ Боже отецъ нашихъ, благословен еси.

Голубице, крила имѣщи златая и оружием хранима крестнымъ,/ агаряны же, в нощи граду твоему приближившиися, отгнала еси,/ спасши верныя от убийства, мученице Параскѣво, поющия:/ препетый отецъ нашихъ Боже, благословен еси.

Многообразныя болезни претерпевши Христа ради, мученице Параскѣво,/ неболезненный у Него обрелá еси покой / и, радующися, взываеши:/ препетый отецъ нашихъ Боже, благословен еси.

Коль непобедим твой разум, Параскѣво честная,/ яко от начальниковъ лика мучителей мукъ не убоялася еси./ С нимиже бравшиися, скончалася еси яко служительница тайны Божественныя славы, поущи:/ препетый отецъ нашихъ Боже, благословен еси.

Богородичен:

Благословен Плод благословеннаго Твоего чрева, / Егоже благословят Небесныя Силы и человечести собори восхваляют, / нас избавльшаго клятвы древняя, Благословенная, поющих: / препетый отец наших Боже, благословен еси.

Ин

Ирмос: От Иудеи дошедше óтроцы, / в Вавилоне иногда / верою Троицескою пламень пéчный попраша, поюще: / отцев Боже, благословен еси.

Яв́шася паче умá чудеса Божественныя мученицы, / во ю́нотстве девства победí мучителя, зовуци: / отец наших Боже, благословен еси.

Блудящих заградíла еси богомерзская уста, / среди суди́ща стáвши, Бога исповедала еси, зываючи: / отец наших Боже, благословен еси.

Забывши женскую немощь, / мужественно укрепившия терпением, / страждуци, вопияла еси: / отец наших Боже, благословен еси.

Богородичен:

Из Дев́ическу боку́ вопло́лся, / явился еси на спасение наше. / Тем Твою Матерь вéдуще Богородицу, / благодарно зываем: / отец наших Боже, благословен еси.

Песнь 8

Ирмос: О́троки благочестивыя в пещи́ / Рождество Богородичо спасло́ есть, / тогда́ ўбо образуемое, / ныне же действующее, / вселенную всю воздвизает пéти Тебе: / Господа пойте дела / и превозносите Его во вся веки.

Божественными светлосты́ми Солнца мысленнаго просветившия, / мученице всехвальная Параскёво, / ночь претекла́ еси безбожия, поющи единомыслием ду́ш: / Господа воспевайте дела и превозносите Его во веки.

Яко а́гница, яко нескверная ю́ница, / яко Божественная голуби́ца, яко самовольное заколение, / привелася еси, мученице Параскёво, Зиждителю твоему / и, яко жертва непорóчна, принеслася еси, согласно поющи: / Господа пойте дела и превозносите Его во веки.

Свётлу себе от кровей́ рíзу мучением обложíла еси, / Параскёво, дóбляя мученице, / совлékшися истинно тленнаго со грехи́ человека, радостно

воспеваючи: / Господа пойте дела и превозносите Его во веки.

Богородичен:

Во след Тебе текóша жены́, мира сладковóннаго вéдуще, Всечистая Богоневесто, / Еди́на Неискусобрачная, / из утробы Твоея возсиявшаго Единороднаго Сына, Христа Бога, / и с Тобою царствуют истинно, песнословяще Его во веки.

Ин

Ирмос: Царя Небеснаго, / Егоже поют вои Ангельстии, / хвалите и превозносите во вся веки.

Царя Христа Бога, / Егоже испове́да дева мученица Параскёва, / воспеваючи: хвалите и превозносите Его во веки.

За любовь Божественныя Троицы / огонь безбожия погасила еси, вопиючи: / превозносите Христа во веки.

Пóдвиги, иже к Богу, / тьмы начальника низложи́ла еси, поючи: / превозносите Христа во веки.

Богородичен:

Протівных прило́га на ны угаси́ и́скры, Дево, / яко да поем Господа и превозно́сим Его во веки.

Песнь 9

Ирмос: **Всяк** земно́рдный / да възиграется, Духом просвещаем, / да торжествует же Безплотных умов естество, / почитающее священное торжество Богоматере, / и да вопиет: / радуйся, Всеблаженная / Богородице, Чистая Приснодево.

В Небесный чертог всельшися, дево Параскёво всечестна́я, / и невидимых добро́т разумно насладившися, / воспри́ймши неизречённую светлость, / просвети́ поющия и величающия тя.

Венец восприяла еси на главё твоей, Параскёво добле́умная, / яко скончавши течение и сохранивши веру непоколебиму, / праведных ч́ини радостно тя при́йша. / Тем ныне ублажаем тя.

Подаёши исцелений ка́пли требующим, яко от источника, / всебогатая мученице Параскёво, / уставляючи то́ки неду́гов и страстéй отгоня́щи зной, / сердца́ благочестивых напаяючи ко благоплодию Божественных деяний.

Богородичен:

Мудрости Вместилище, паче умá лучшаго, явилася еси, / Отроковице Всенепорочная, / одушевлён же престол и дверь. / Тем яко Царицу Тя возлюбльше, девы во след Тебе приведо́шася, Богоотроковице.

Ин

Ирмос: Воистинну Богородицу / Тя исповедуем, / спасения тобою, Дево чистая, / с Безплотными лики Тя величающе.

Воистинну тезоименита назва́лася еси, Параскёво, / подобящися страстём Христовым, / с Небесными во́инства лику́ющи.

Постигла еси конец мучения / многими страстьми́ и болéзньми твоими, / со Ангелы Христа сла́влящи на Небесех, всечестная.

Дерзновение иму́щи ко Спасу и Владыце, / моли за пою́щая твою память, / мученице славная Параскёво.

Богородичен:

Пёсньми Тя поем, Богоблагодатная, / и немóлчно Тебе, радуйся, прино́сим, / Ты бо источила еси всем нам веселие.

Светилен.

Подобен: Жены́, услышите:

Яко шипок красне́йший от терно́внаго прозябла́ еси ко́рене, дево Параскёво, / оброше́нием, мученице, священнаго страдания обагрёв́шися кровию. / И ныне Божественную твою память творя́щая любовью / спасай ны от бед.

Слава, и ныне, Богородичен:

Стояще о́крест Тебе девы Богомудрыя, Богородительнице Марие, яко Царице ро́дом, / Твоему Сыну приведо́шася невестолéпно, Пречистая, яко Царю всяческих, / Егоже, Мати Дево Отроковице, о нас моли.

На хвалитех стихиры, глас 4.

Подобен: Яко добля:

Девство нетленно, мучение всечудно / Христу принесла еси, всечестна́я дево Параскёво, / низложи́ла еси шатание прéлести безбожныя силою Крестною, / му́жественным разумом. / Темже вся Христова Церковь празднует святу́ю твою память.

Твоему страданию, дево мудрая, и сопротивле-

нию, и неодолению / ли́цы Ангельстии, блажен-
ная Параскёво, я́ве удивíшася, / како му́жествен-
ным сплетéнием врага́ невидимаго разрази́ла
еси / и победы венец от руки́ Жизнодавца богат-
но прия́ла еси.

Огнём опаля́ема, / о́гненной мудростию пламень
угаси́ла еси естественный / и, свещу́ неугасиму
душевную соблю́дши, / вошла еси со Христом,
Женихом твоим, в чертог Небесный. / Чудесными
искрами стра́сти умертвívши, / и дёмонския пол-
ки́ страдальчески победи́ла еси.

Ины стихиры, глас 1.

Подобен: Небесных чинов:

В Небесныя дворы́ всели́лася еси, мученице
Параскёво, / кровью́ твоих страда́ний, / в виде́-
нии ликостояний причисли́лася еси ра́вно, все-
хвальная.

Мучи́теля посрами́ла еси, о му́ках небре́гши, /
и зверей рыка́ния не устраши́лася еси, / иму́щи
Христа Помощника твоего, всехвальная.

Радующися, текла́ еси, прехвальная
Параскёво, / тща́щися конец мучения прия́ти,
дево всехвальная, / и Христу уневе́стившися та́-
мо, поминай ны, всегда чествую́щая тя.

Слава, глас 6:

Пёсньми да почестви́тся Христова мученица, /
подобает бо ей всякое хвалосло́вие: / хвала́ми бо
исплётши свой венец, / той непрекло́нной су́щи и
твёрдей, / мно́гу мучителей злобу низложí. / Тем,
в болéзнях стра́ждущи, вопияше: / Ты мне, Господи,
бу́ди помощь и не оста́ви мене́.

И ныне, Богородичен или Крестобогородичен.

Подобен: Все отложше:

А́гнца Своего А́гница Нескверная дрéвле / и
Непорочная Владычица / на Древе Крестнем яко
узрэ, матерски восклицáше и, дивя́щися,
вопияше: / Чадо Сладчайшее, что зрение сие
новое и преславное; / како сонм безблагодатный
суди́щу Пилáтову предаде́ Тя / и осуждает на
смерть, Жизнь всяческих; / но воспеваю Твое
неизречённое, Слове, снизхождéние.

На стиховне, Слава, глас 4:

Крест, яко ору́жие держáвно, Параскёво муче-

нице, держащи рука́ми, / веру, яко щит, надежду, яко броню́, любовь, яко лук, / мучителей томлѣние победивши мужески, / и демонов коварствія упразднѣла еси Божественною силою, / во главѹ же усекновѣна бывши, ликѹеши во Христе, / не преста́й молящися о душах наших.

И ныне, Богородичен или Крестобогородичен:

Подобен: Яко дѡбля:

На Крестѣ Тя яко узрѣ пригвождѣна, Господи, / Агница и Мати Твоя дивляшеся / и, что видѣние сие, взываше, Сыне Вожделенне, / сия Тебе невѣрный собор воздаде беззаконный, / многих Твоих чудес насладивыйся; / но слава неизглаголанному сошествію Твоему, Владыко.

Славословіе великое. И отпуст.

На Литургии: Блаженна от канона перваго, песнь 3-я, и втораго канона, песнь 6-я. Прокимен, глас 4: Дивен Бог во святых Своих, Бог Израилев. Стих: В церквах благословите Бога, Господа от источник Израилевых. Апостол к Коринфяном, зачало 181. Аллилуія: Терпя, потерпех: Евангеліе от Луки, зачало 33. Причастен: В память вечную:

В
ТОЙЖЕ
ДЕНЬ



Святых мученик Терѣнтія и Неонѣлы и чад их: Сарвіла, Фѡта, Феодѹла, Иеракса, Нѣтта, Віла, Евнѣкии и преподобнаго отца нашего Стефана Саввайта, творца канонов

На Господи, возвах: стихиры мучеников, глас 4.

Подобен: Яко дѡбля:

Многообразным мѹкам мужески приобщившеся, / вражия возношения низложѣсте, / исповѣдающе, блаженнии, пред мучители Явльшагося нас ради дебелствомъ плоти, / и пречистыя страсти претерпевша волею, / и источивша миру просвѣщение и безстрастие.

С Терѣнтиемъ возсия Неонѣла славная, / Нѣтта же и Сарвіл чуднии, / Фот же и Иеракс с сими законно пострадавшие / и огонь мучений Божественною росю Духа угасивше / и быша столпѣ благочестія, и благоприятныя жертвы, и приношения пречиста.

Яко многосветлое солнце, / с луною совокупль-
ся Неонилою, / родил еси, о Терентие, лик звезд
седмочислен, / мученическою кровию
обагрившихся, / и светлое испускающих сияние, /
вселившихся же в невечерний покой, / идеже
всех страдалец стада светло ликовствуют.

Ины стихиры преподобнаго, глас 8.

Подобен: О преславнаго чудесе:

Отче Богоносне Стефане, / Божественным
смыслом ум укрепив светлейше, / ярость же му-
жеством, целомудрием желание, / правдою же
всю силу души управил еси. / Мудролюбнейше
колесницу прекрасну добродетелей состроил
еси, / на нюже всед, радуясь, возшел еси к
высоте, славне.

Отче Богоносне Стефане, / Богословием ум
просветил еси, преподобне, / якоже копиеносную
ярость / простирая на хульные, отче, еретик, /
возжелев пищи вышния, / еже сподобился еси
причаститься, чудне, / предстою Престолу Всеца-
ря и Вседержителя.

Отче Богоносне Стефане, / воздержанием ум
утучняя всегда, / к Первовиновному востещи со-
творил еси, / и отвергг еси мира смущение, и
молвы оттряс, / ума чистотою срастворився, все-
мудре, с желанием, воистинну крайним, / Бого-
мудре преподобне.

Слава, и ныне,

Богородичен. Подобен тойже:

Девства сосуд / и чистое Божие и красное
жилище, / молю Тя, всечестное, / душу мою
утеши, / озлобленную ядом змийным и умерщвлен-
ную преступленьми, / яко да славлю Тя, / верная
вся возвеличившую, Богорадованная.

Крестобогородичен, подобен тойже:

Что зримое видение, / еже Моими очесы видит-
ся, о Владыко, / содержай всю тварь, / на Древо
воздвиген быв, / и умираеши, всем дай Жизнь, /
Богородица, плачущи, глаголаше, / егда узре на
Кресте возносима, / из Нея неизреченно
возсиявшего / Бога и Человека.

Тропарь, глас 4:

Мученицы Твои, Господи, / во страданиях сво-

их венцы́ прияша нетлѣнныя от Тебе, Бога нашего:/ имуще бо крепость Твою,/ мучителей низложиша,/ сокрушиша и демонов немощны́я дерзости,/ тех молитвами/спаси души́ наша.

Слава, тропарь Стефана, глас 5.

Воздержанием житие украси́ и страсти умертвив,/ посрамил еси вражия прилоги, отче Стефане,/ и преложися к Богу, чудотворецъ показася,/ в вечней славе со Ангелы ликуя,/ с ними же моли помилovati души́ наша.

И ныне, Богородичен или Крестобогородичен.

НА УТРЕНИ

Канон Октоиха един, и святых два.

Канон мучеников. Глас 4.

Песнь 1

Ирмос: Отвѣрзу уста моя,/ и наполнятся Духа,/ и слово отрыгну Царице Матери,/ и явлюся, свѣтло торжествуя,/ и воспою, радуясь, Тоя чудеса.

Глубиною обуреваем греха, Человеколюбче,/ к единой пучине благоутробия Твоего/ взираю очесы́ моего сѣрдца,/ окорми́ и спаси мя страсто-тѣрпец молитвами.

Незаходимое вас Солнце звезды показа на тверди Церкви Своея,/ озаряющия сиянием подвиг,/ мученицы прехвальнии, сея исполнѣние.

Веры побѣрницы, Церкви утверждѣние,/ Терѣнтій бысть, Нитта́ же, Сарвил, Феодул, Иѣракс, Неонѣла,/ и Вил чудный, Евнѣкия же и Фѣт.

Богородичен:

Радости нам Ходатаица, яко приемши полноту́ всего Божества́,/ явилася еси, Всенепорочная./ Темже вси Тебе, еже радуйся,/ со Ангелом согласо зовем, Богорадованная.

Ин канон преподобнаго. Глас 8.

Песнь 1

Ирмос: Поим Господеви,/ проведшему люди Своя сквозѣ Чермное море,/ яко Един славно прославися.

Всю мою мрачную, отче, мглу уныния/ светом Божественным разори,/ Божественную благодать подав, Стефане, пети память твою.

Единыи тебе добродетелей искус вѣдом,/

мирскія бо всеконечно злѣбы не приял еси, / от младенства Богу, Стефане, возложенъ.

Всего Христу Спасу ты тебе самаго привел воздержательно, / заколение светло благоприятно, / безсмертнаго жития, славне, был еси причастник.

Положи духовная молния столп ты всесвѣтел, / приѣмша достояние службы таинственныя, / вся верныя озаряющая.

Богородичен:

Пречистая Богородице, всех радости, / Яже Бога в Твоей утробе вместивши, Нескверная, / избавитися от враг молися поющим Тя.

Песнь 3

Ирмос: Не мудростию, и силою, и богатством хвалимся, / но Тобою, Отчею Ипостасною Мудростию, Христе: / несть бо свят, / паче Тебе, Человеколюбче.

Якоже солнце со многосветлою луною, / соединяем Неониле славный Терентий, / породѣ звезд седмочисленный лик мучеников Христовых.

Сокрушение твоих удѣс, страдальче Терентие, / прѣлести кости, якоже прах, истнѣ, / тебе же исходатаи славу неизглаголанную.

Златѣми вперившися крыльѣ, Евникіе, / беззаконных ловѣц коварствя избѣгла еси / и внутрь вселилася еси чертога мысленнаго.

Богородичен:

Тя Мудрость Божия чистейшее селение обрѣтши, / от Твоих чистых кровей воплотися, / и по Рождестве нетленну показá.

Ин

Ирмос: Страх Твой, Господи, / всадѣ в сердца раб Твоих / и буди нам утверждение, / Тя во истине призывающих.

Сквернящих в житии человеческия души избежавша ты, Стефане, плотских, / очисти пустыня издѣтска / Божественным промыслением.

Небесное имущи житиѣ, постницы ты приемше, / утвердиша, блаженне, страхом Господним к мудрости Божественней.

Отцѣв повинуюся учением премудрости, / страх Божий, яко основание положил еси / твоего небесоподобнаго, отче, жития.

Богородичен:

Безсе́менно зачала́ еси, Богоневесто, Спаса и Господа, / избавля́ющаго ны от тли, / Тя воистинну песносла́влящия.

Кондак Стефана, глас 4.

Подобен: Вознесыйся:

Насадил еси добродетелей рай / и напоил еси то́ками слез твоих, / яко жизни, всеславне, древо получив, / спаси молитвами твоими от тли стадо твое, / избави от обстояний тёпле чту́щих тя, Стефа́не, / тя бо предстателя велича́йша, мудре, / вси верою и любовию стяжа́хом.

Седален мучеников, глас 8.

Подобен: Премудрости:

Яко звёзды солнцу световидны, Терентию, / дети священныя я́ве совозсиява́ют и тварь просвещают, / мужескими по́двиги доблественно сия́юще, многобожия но́щь разоря́ют; / ихже с веселием ублажаем верою, яко сущия уго́дники Божия, и возопиим: / страсотерпцы всехва́льнии, моли́те Христа Бога грехо́в оставле́ние по́дати / чту́щим любовию святу́ю память вашу.

Слава, преподобнаго, глас 5.

Подобен: Собезначальное Слово:

Воздержанием жити́е украси́в и страсти умертви́в, / попра́л еси вражия прило́ги, отче Стефа́не, / и, преложи́всья к Богу, чудотворец показался еси, / в вечней славе со Ангелы ликуя. / С нимиже моли непрестанно поми́ловати-ся нам.

И ныне, Богородичен:

Теплая Предста́тельница и непобедимая, / упова́ние изве́стное и непосты́дное, / стенó, и покрóве, и приста́нице прибега́ющим к Тебе, / Приснодево Чистая, / Сына Твоего и Бога моли́ со Ангелы / мир да́ти миру, и спасение, / и ве́лию милость.

Крестобогородичен:

На Кресте зря́щи Тя, Христе, Мати Твоя, / волею посреде́ разбойников ви́сяща, / растерза́ющийся утробою ма́терски, глаголаше: / Безгрешный Сыне, / како неправедно на Кресте, якоже злодей, пригвожден еси, / человеческий род хотя́ оживи́ти, / яко Благоутробен.

Песнь 4

Ирмос: Вознесена Тя видевши Церковь на Кресте, /
Солнце праведное, / ста в чине своем, / достойно
взываючи: / слава силе Твоей, Господи.

Окормляеми дланию всесильною, / мук пучину
немо́кренно преидоша, / дондеже достигоша в
приста́нице тихое Вышняго Царствия, мучени-
цы.

Возвышаемаго державою нечестия гордаго
мучителя, / веры оружия, мученицы всехвальнии,
низложите, поюще: / слава силе Твоей, Господи.

Седмобратный лик страстотерпцев с двоими
родители, / непорочная жертва Тебе, тех ради
чудно пожершемуся, / яко овча, Владыко Христе,
приведо́шася.

Богородичен:

Иже волею всяческая создавый, / зиждется
хотя́ из Тебе паче слова, / спасая, Неискусобрач-
ная, верою зовущия: / слава силе Твоей, Господи.

Ин

Ирмос: Услышах, Господи, / смотре́ния Твоего
та́инство, / разумех дела Твоя / и прославих Твое Боже-
ство́.

Законом Божественным Духа все покорил еси
плотско́е мудрование / и словом безсловесная
стре́мления страсте́й отгна́л еси, мудре Стефа́не.

Ты ярости во́лны на врага вооружил еси,
Стефане, / к Единому же Рачителю желание,
Богу, простерл еси.

Светлый свет узрел еси ты безстрастия, препо-
добне Стефане, / совлекся мглы темныя страсте́й,
благодатию наставляемь.

Во уме ты будущая помышляя, / возгнушался
еси мимотекущих безсловесия. / Темже вся насле-
довал еси болезнями присносу́щая.

Богородичен:

Бога, Егоже родила́ еси, Чистая Дево, / Сего
умоли́, рабо́м Твоим дарова́ти согрешений
проще́ние / и противных избавле́ние.

Песнь 5

Ирмос: Ты, Господи, мой свет / в мир пришел еси, / Свет
Святы́й, обраща́я из мрачна невѣдения / верою воспева́-
ющия Тя.

Тя, Господи, крепость стяжавше мученицы, /
терзания, и раны, и огонь, и смерть мужески
преобидеша.

О дети священныя! / **О** Богоприятная
заколѣния! / **О** совокуплѣние, разорившее козни
многоплетѣнный врага борющаго!

Побѣдами главѹ безсмертными венчала еси, /
побѣдившая змѣя, Еву побѣдившаго, Евникіе
добродево.

Богородичен:

Свет безлетный нам, Отчее Сияние родила
еси, / под летом благодати богатством бывша,
Всенепорочная.

Ин

Ирмос: Просвети нас повелении Твоими, Господи, / и
мышцею Твоею высокою / Твой мир подаждь нам, / Чело-
веколюбче.

Являешься, яко светильник, с Небес поющим
тя, / отгоняя дел омрачѣние / и Божественнаго
воображая деяния осіяние.

Бодренну молитву и стояние всенощное, / рук
прилѣжное воздеяние стяжал еси, отче, / и источ-
ники слез, Стефане.

Нов истинно пустыни явился еси / светел
светильник, о Стефане, / просвещая во тьме дер-
жѣмыя злых.

Богородичен:

Моли присно Сына Твоего и Бога нашего, /
Неискусобрачная Маріе Чистая, / низпослати
нам верным милость.

Песнь 6

Ирмос: Пожру Ти со гласом хваления, Господи, / Цер-
ковь вопиет Ти, / от бесовския крове очищися, / ради
милости от ребр Твоих / истекшею Кровию.

Прострѣти немилостиво повелев мучитель / и
к колесѣм привязати многообразными видами
мученики, / но посрамися, / непобѣдимы тѣя
видев.

Зверѣм в снѣдъ предани бывше, / показасте я
кротчайшия овец непрестанными вашими
молитвами / и вреда от тех никакоже приясте,
святїи.

Сарвил, Неонїла, Фот и Феодул, / Вил, Иеракс,
Евнїкия же и Нитта Божественный с

Теренти́ем, / яко до́блии, благоче́стно да восхва́-
лятся, мученицы.

Богородичен:

Купина прообразова́ше великое та́инство, /
еже паче ума, Твоего Рождества, / огнём всюду
оку́ржаема и никакоже опаля́ема, Дево Всепетая.

Ин

Ирмо́с: И́бну в ките, Господи, / одинаго всели́л еси, /
мене же, связа́ннаго мре́жами вра́жиими, / яко от тли
о́наго, спаси.

Ты рука́ми, ви́ден был еси, Стефа́не, се́рне
подавая пи́щу, / душевны́я бо стра́сти отря́с, / над
д́виими животны́ми, якоже пе́рвее во Еде́ме
Адам, царствовал еси.

Путетворя́ Христу селение твоея́ в клеті́
души, / чре́во твое, Стефана́е, и язык удержав, / и
плотскія́ сла́сти до конца умертви́л еси.

Победительны́ми венча́лся еси венцы́, Стефа́-
не, по́стничества, / де́монов бо полкі́ победил
еси / и помышлений и страсте́й прило́ги низло-
жи́л еси, блаженне.

Богородичен:

Паче ума воплоще́ннаго Господа во чре́ве
Твоем / сотвори Твоим рабо́м милостива быти /
Твоими молитвами, Чистая, / яко да страшнаго
избавимся муче́ния.

Кондак, мучеников, глас 4.

Подобен: Вознесыйся:

Му́ченическая честна́я па́мять при́де днесь,
веселя́щи всяческая, / Теренти́я премудраго и
подружи́и его. / Те́пле убо стеце́мся, да при́емем
исцеление, / си́и бо благодать при́емше от Духа
Святаго / исцеля́ти недуги и болезни душ наших.

Песнь 7

Ирмо́с: **В** пе́щи Авраа́мстии о́троцы перси́дстей, / любо-
вию благочестия паче, / неже́ли пла́менем опаля́еми,
взыва́ху: / благослове́н еси в храме славы Твоея, /
Господи.

В пе́щь муче́ний вве́ржени бывше, мученицы, /
ро́су с Небесе́ обрето́сте терпе́нием, благодарно
взыва́юще: / благословен еси в храме славы
Твоея, Господи.

Вкорене́но душевное иму́щи мудрова́ние на
ка́мени непрело́жныя веры Христовы, / безбо́ж-

ных сверепства трус, / мученицы молитвою тво-
ряще, низложйша.

Повешени бывше и по ребром крепко
стружеми, / оцтом лютейшим же и огнем сожига-
еми, блаженни, / всю попалисте вещь лестную,
славни.

Богородичен:

Одеваяй небо облаки, Пречистая, Ты небо
показá на земли, / из Тебе облечеса во всего
человека / и обожает мя за милосердие безчис-
ленное.

Ин

Ирмос: Отроки оросивый в пещи / и Деву сохранивый
Рождшую Ты по рождестве, / благословен еси, Боже отец
наших.

Воистинну Нетленныя ты Троицы благодать
обретши, сосуд, Стефане, избран, / якоже желаше,
в тебе упокоися, / и даровании обогати, и
врача душевных страстей показа.

Тайнниче пресветлаго Богоначалия, зрителю
славы неизреченныя Божия причащайся, / по-
даждь нам просвещение, творящим верою память
твою, / угодниче Христов, преблаженне Стефане.

Воду Моисейски в земли невлажней, жаждущу
твоему ученику, Стефане, / твоим жезлом начертáв,
источил еси, преподобне, / песнопоя Христу
Вседержителю: / благословен еси, Боже отец
наших.

Богородичен:

Подобаше безсеменно Воплощенному из Тебе
пройти, Марие Чистая, / паче солнца явльшися
Чистая и Нескверная, / на объятиих бо носила
еси, Благословенная, Бога Вседержителя.

Песнь 8

Ирмос: Руце распостер Даниил, / львов зияния в рове
затче, / огненную же силу угасйша, добродетелию
препоясавшеса, / благочестия рачители, / отроцы,
взывающе: / благословите вся дела Господня Господа.

На огонь дерзнуша, светом Божественнаго Ду-
ха просвещаемы, / конобов врения* показаша

* конобов врения — кипение котлов.

недействительна, / Божественный хлад с Небесé Божественнии мученицы приёмше, / ихже по достоинию, вернии, восхва́лим.

Ангелов явися множество, на трі́зници ясно укрепляюще вас, всехвальнии мученицы, / и болезни отъёмлюще; / с нимиже отроко́в песнь взыва́ете: / благословите вся дела Господня Господа.

Бодро имѣя к Богу око, Сарві́ле, сердца твоего, / очес терпел еси избодѣние, / обличая мучителя, безбожия мглою одержимаго. / Тем вси ты, яко дне сына, ублажа́ем.

Богородичен:

Отчим благоволением Сына во утробе прияла еси, / осенівшу Божественному Духу, Пречистая, / и рождши яко пѣрвее Пречиста пребыла еси; / к Немуже непрестанно молися избавитися всем, Дево, тли и озлоблѣния.

Ин

Ирмос: Муסי́кійским орга́ном согласующим / и людем безчисленным поклоняющимся образу в Де́йре, / три отроцы не повинувшеса, / Господа воспеваху / и славословляху во вся веки.

Повину́лся еси, блаженне, Господу, пребыва́нием житія непорочнаго, / и, отгуду укрепився, / врагѣ покоряеши под но́зе твои и сокрушаеши, / на тѣя болезнями, яко оружии, дѣблествовав.

Единообра́зно житие имея, Истины слово показа / и обы́чай прост и прав, нелука́в нрав, Боголюбив разум. / Темже ты пою́ще, Христа превозно́сим во веки.

Вседушно, отче, возлюбил еси Бога, плі́щей* отвратился еси, / непроходныя же обходя пусты́ни, / наслажда́лся еси Единого Рачі́теля твоего, / Егоже ради уméты вмени́л еси вся.

Богородичен:

Известно ведящии Тя, Деву и Божию Матерь, па́че слова, / поём Тя всеблагочѣстно, верою песнопю́ще: / Господа пойте и превозно́сите Его во веки.

* пліщъ — смятение, суета.

Песнь 9

Ирмос: Камень нерукосечный / от несекомья горы, Тебе, Дево, / краеугольный отсечеса, / Христос, совокупивый разстоящаяся естества. / Тем, веселящеса, Тя, Богородице, величаем.

Рай явистеса, средé жизни древо имущ, / источник же, проливающ капли исцелений / и река, истинно исполнена, святии, Божественных вод Духа.

Столпí Христовы Цёркве / и тишайшая пристанища сущих в пучине лютых обуреваемых, мученицы явистеса, / и мира питателие, и Ангелов сожительницы.

В Небесных селех с радостию живете, / доброты недомысленныя вкупе смотряюще и наслаждающеся истиннаго обожения, / венценоscopy великоименитии.

Богородичен:

Яже Небес ширши и Херувимов святейши, всея же твари вкупе честнейши, / Бога, Егоже родила еси, / о нас моли, Богородительнице, чтущих Тя.

Ин

Ирмос: Чистую славно почтим, / людие, Богородицу, / Огнь Божества приемшую во чреве неопально, / песньми величаем.

Тесный путь шествовал еси, / егоже ничтоже в мире истинно нужднейше, / сего ради во Едем вшел еси, пространное покоеще.

Тих явился еси, о Стефане, / на Небесех бо венцем славы венчался еси, блаженне, достойно, / поя Венчавшаго тя.

Чудно житие твое просия, благовонно, / яко шипок в верте, и яко свещник на воздухе, / световидно озаряя, всеблаженне, чествующия тя.

Богородичен:

Деву вси и Пречистую, вернии, Богородицу, / неизреченно носившую во утробе Бога и Спаса, / в песнях величаем.



Святителя Димитрия, митрополита Ростовскаго. НА ВЕЧЕРНИ

На Господи, воззвах: стихиры, глас 6:

Украсив твою душу добродетельми, / и прешед
поприще временныя жизни во страхе Божию, /
обрел еси благодать пред Богом, / святе
Димитрие: / и ныне, предстояй Престолу Господа
славы, / моли спастися душам нашим.

Еще сый в теле, / распалился еси серафимскою к Богу любовью, / ныне же по отшествию от временныя жизни, / совлékся уз телесных / и, наслаждаяся сладости райския, / наипаче соделался еси обиталищем любви Божественныя; / и, подражая Христа Спасителя, / Егоже ныне лицом к лицу зриши, / сострадай бедности человечества, / и буди о наших немощех ко Господу ходатай, / да избавившися от них, / избéгнем и временных зол, и вечныя смерти.

Пастырю добрый, / усердный подражателю Пастыреначальника, Сына Божия, / услыши нас грешных, / призывающих в помощь твое всеильное ходатайство, / и моли о нас Всемилостиваго Бога, / да избéгнем всяких зол и напастей, / и да улучим вечное блаженство, / во еже купно с тобою, святителю Димитрие, / славити и воспевати Божество, / силу и единовластие Пресвятыя Троицы.

Слава, глас тойже:

Похвалами ублажим святителя Димитрия, / иерарха великаго, Златоуста Российскаго, / иже ревностию по Господе Бóзе Вседержителе поощряем, / непрестанно обличал возмущающих тишину и Православие Христовы Църкве / и, соделався сосуд избран Всесвятаго Духа, / причтен явися лику других Божиих. / Темже тебе почитаем, святителя Христова, / и усердно молим: / буди о нас заступник и ходатай ко Триипостасному Богу, / настави нас на путь спасения / и даруй улучшить от Господа Вседержителя / мир душам нашим, и велию милость.

И ныне, Богородичен, глас тойже: Кто Тебе: Вход, прокимен дне, и чтения 3 святительская (зри страницы 135—138).

На литии стихиры, глас 7:

Отче Димíтрие, / иерарше великий, Российское светило, / прими похвалы, от усердия нашего тебе по силе приносíмыя, / и буди теплый предстатель / и молитвенник о душах наших.

Отче Димíтрие, / мечу на еретичесествующих обоюду острым, / отсецы от Христовы Цёркве суемудренные плéвелы / и сохрани ю непорочну и чíсту, / да в безопасном ея пристанище / убежем от козней губителя древняго.

Слава, глас тойже:

Святителю Димíтрие, / моли Человеколюбца Бога, / да избáвит нас от всяких бед и напáстей, / и да дарует нам Живот вечный.

И ныне, глас тойже:

Богородице Дево, / упование христиан, / покрый и соблюди нас Твоими к Сыну Твоему и Богу молитвами / от всякия нужды и печали.

На стиховне стихиры, глас 8:

Приидíte, Российския Цёркве сынове, / приидíte, ублажим учителя нашего, / иже в жизни своей нас наставляя, / по смерти же назирая, / печется яко пастырь добрый о душах наших.

Стих: Уста́ моя возглаголют премудрость / и поучение сердца моего разум.

Богодуховенный оргán Всесвятаго Духа, / обличитель суемудренных расколов, / великий святитель Димíтрий, / источающий струю благодати Божия от многоцелебных мощей своих, / ходатайствует непрестанно и молится Богу о душах наших.

Стих: Праведник, яко фíникс, процветет, / и яко кедр, иже в Ливане, умно́жится.

Твое заступлénие получивше, святителю Димíтрие, / благодарни есмь душею и сердцами и молим тя усердно: / подкрепи́ нашу веру к Богу и наста́ви нас на стезю́ Его заповедей, / да Богоугодно поживше в веце сем, наследуем блаженство пра́ведных.

Слава, глас тойже:

Благій рабе и верный, / умноживый талант, / врученный тебе от Владыки твоего, / научи и нас последовати достохвальному примеру твоему, / да не с лукавыми рабами осудимся, / но да сподобимся радости вечныя.

И ныне, Богородичен гласа.

Тропарь, глас 8:

Православия ревнителю и раскола искоренителю, / Российский целébниче и нóвый к Бóгу моли́твенниче, / списáньми твоими б́уих уцеломудрил еси; / цевнице духовная, Димíтрие блаженне, / моли́ Христа Бога спаст́ся душáм нашим.

НА УТРЕНИ

По 1-м стихословии седален, глас 1:

Граду Ростóву и всем единозёмным россияном / показался еси учитель и наставник, / словесы и делами показуя путь ко спасению, / Димíтрие всеблаженне: / и приял еси от Бога венец почестей, / уготóванный любящим Его. / Темже днесъ всесвятую память твою празднующе, / прославляем Бога, прославляющаго святых Своя.

Слава, и ныне, Богородичен:

Неискусомужная Мати Емману́илева, / моли Сына Твоего и Бога нашего, / да дарует нам прощение согрешений наших / и мир душам нашим.

По 2-м стихословии седален, глас 1:

Управив паству твою добре, святе Димíтрие, / получил еси мзду твою от Мздовозда́теля, Христа Бога нашего, / Егоже моли непрестанно, / да и мы сподобимся причтены быти к лику Его любящих.

Слава, и ныне, Богородичен:

Под Твое покровительство прибегаем, Богородице Дево, / и на Тя все упование наше возложивше, / молим ходатайствовати за нас у Престола Сына Твоего / теплыми Твоими молитвами.

По полиелеии седален, глас 8:

Просиял еси добродетельным житием твоим, святителю Димíтрие, / украшаяся красотóю нрава, воздержанием и милосердием, / златословес-

ными же твоими учении украшая Христову Церковь./ Темже, приснопамятне, предстоиши Престолу Вседержителя:/ моли Христа Бога, даровати грехов оставление/ празднующим любовию всечестную память твою.

Слава, и ныне, Богородичен:

Тя стяжэхом молитвенницу теплую к Сыну Твоему и Богу нашему,/ не остави нас, Всепетая Владычице,/ но избавляй всегда рабы Твоя/ от всякия нужды и печали.

Степенна: 1-й антифон 4-го гласа. Прокимен, глас 4: Уста моя возглаголют премудрость,/ и поучение сердца моего разум. Стих: Услышите сия, вси языцы: Всякое дыхание: Евангелие святительское.

По 50-м псалме стихира самогласна, глас 8:

Благий рабе и верный,/ умноживый талант, врученный тебе от Владыки твоего,/ научи и нас последовати достохвальному примеру твоему,/ да не с лукавыми рабами осудимся,/ но да сподобимся радости вечныя.

Канон Богородицы со ирмосом на 6 и другой канон святого на 8, глас 6.

Песнь 1

Ирмос: Яко по сѹху, пешешествовав Израиль / по бездне стопами,/ гонителя фараона / видя потопляема,/ Богу победную песнь / поим, вопияше.

Со ангельскими чиновачалиями предстояй Святей Троице,/ великий иерарше Димитрие, моли о нас грешных,/ да получим грехов оставление.

Постничеством и воздержанием всяким поработивый тело духу,/ и тем соделавый нетление и цельбоносную силу и брѣнному веществу твоему,/ научи и нас, отче святыи, Богу, а не мамоне работати.

Управляя паству, вверенную тебе от Началопастыря Христа, / и отгоня душевредных волков от Христовы ограды твоими Богодухновенными учении,/ назирай и ныне, святителю Димитрие, да не како суемудренныя расколы возмутят тишину церковную,/ но паче моли Человеколюбца Бога,/ да вскоре вси едиными усты и единым сердцем восхвалим Его благоутробие.

Богородичен:

Избранну и Всечысту разумев Тя / Сын Божий,

**Всенепорочная, Сын Твой бысть, / сынов сотвори
благодатию, Богородицу Тя чтущия.**

Песнь 3

Ирмос: Несть свят, / якоже Ты, Господи, Боже мой, /
вознесый рог верных Твоих, Блаже, / и утвердивый нас
на камени / исповедания Твоего. /

**Утвердився на камени веры Христовы, / тверд
пребыл еси во исповедании Православия / и
злочествующих непрестанно обличал еси.**

**Обличая, моля, советуя, / не престава еси
призывать заблуждших овец от Христова стада, /
аще и не вси послушаша гласа твоего.**

**Сынов Церкви, непоколебимо пребывших во
объятиях ея, ободрял еси, / и мы, со сладостию
внимая учению твоему, вопием: / несть свят паче
Бога нашего.**

Богородичен:

**Избавляющаго человеки преслушания / и Кро-
вию Своею омывшаго первородный грех
Адамов, / Чистая и Всенепорочная, родила еси.**

Седален, глас 8:

**Исцеления и чудеса, истекающая от чудоточ-
ных мощей твоих, святителю Димитрие, / радуют
верных сердца и возбуждают любовь пети
тебе: / радуйся, отче, Российская похвало.**

Слава, и ныне, Богородичен:

**Едина истинная христиан Покровительнице, /
всяких лютых обстояний, бед и скорбей нас
избави, / и мольбами Твоими спаси души наша.**

Песнь 4

Ирмос: Христос моя сила, / Бог и Господь, / Честная
Церковь / Боголепно поет, взывающи, / от смысла чиста о
Господе празднующи.

**Измлада воспитан в добрем научении, / остро-
ту ума твоего не на суетндренная умствования
обратил еси, святителю Димитрие, / но на созида-
ние и утверждение православных, на обличение
же и обуздание еретиков: / темже и явился еси
достойный апостольскаго престола наместник.**

**Неистошное врачевство источают многоце-
лебнии святии мощи твои, / и иже верою к ним
притекающи / обретают от злых избавление.**

**За любовь, юже ко Христу имел, прославился
еси даром чудес и исцелений, / сего ради покла-**

няемся тебе и молим тя, яко угодника и друга Божия, / да помянеши нас во святых твоих к Богу молитвах.

Богородичен:

Моли о нас Человеколюбца Бога, Пресвятая Владычице, / да не помянет беззаконий наших, / но да сотворит с нами по милости Своей.

Песнь 5

Ирмос: Божиим светом Твоим, Блаже, / утреннюющих Ти души любовью озари, молюся, / Тя ведети, Слове Божий, / Истиннаго Бога, / от мрака греховнаго зывающа.

Сохрани, святителю Христов, / отечество твое ненавѣтно от врагов / и даруй на сопротивных победу и одоление.

Огради нас, угодниче Божий Димитрие, / от всех козней лукаваго диавола, / да не преткновенно возмóжем преити путь жития сего / во исполнении заповедей Божиих.

Разжени, отче Димитрие, тьму греховную от душевных очес наших / и просвети нас познанием воли Божия, / да во свете заповедей Его совершим добре течение наше.

Богородичен:

Деве Непорочная, рождающая Свет истинный, / облистай нам свет Боговедения во спасение наше.

Песнь 6

Ирмос: Житейское море, / воздвигаемое зря напастей бурей, / к тихому пристаницу Твоему притек, вопию Ти: / возведи от тли живот мой, / Многомилостиве.

Возри милосердным оком, святителю Христов, / на волнение греховное, нас обуревающее, / и упрáви плавание наше в тихое пристанище милосердия Божия.

Буди нам добрый кормчий, отче Димитрие, / и не остави нас погибнути во грехах наших, / но в нихже сам, яко человек искушаем был, помози и нам, искушаемым.

Святе Димитрие, / буди о нас заступник и ходатай ко Многомилостивому Богу, / да возведет от тли живот наш.

Богородичен:

Устнами и сердцем величаем Тя, Матерь Божию: / Ты же, примирившая Богу весь род

человеческий, / не отрини нас от Твоего заступления.

Кондак, глас 4:

Звездú Россійскую, от Кіева возсіявшую, / и чрез Нówград Сéверский в Ростов достígшую, / всю же страну сию учёными и чудесы озарівшую, / ублажím златословéснаго учителя Димíтрия: / той бо всем вся написа, яже к наставлénию, / да всех приобретаёт, якоже Павел, Христу / и спасёт правове́рием души наша.

Икос:

Праведным о ка́ющихся на Небесí, / нам же, грешным, на земли́ о тебе, праведниче Димíтрие, / подобáет возра́доваться: / яко новаго ты к Богу моли́твенника о нас стяжа́хом, / егоже достойными похвала́ми ублажа́юще, / сїце от радости зовём: / радуйся, Ростóвская похвалó, и всея России похвалénие.

Песнь 7

Ирмос: Росодáтельную убо пещь / содела Ангел / преподобным отроко́м, / халдéи же опаляющее веление Божие мучителя увещá вопіти: / благословен еси, Боже отец наших.

Христова ради смирения, образ смирения явился еси, святе Димíтрие, / и мне подаждь не в гордости, но во смиреніи зывати: / благословен еси, Боже отец наших.

Воздержанием покоріл еси тело духу твоему, святителю Димíтрие, / подаждь и мне в воздержании пож́ити, да нескверными устна́ми воззову́: / благословен еси, Боже отец наших.

Учениями твоими, отче Димíтрие, управляеши мысли наша, / и мы, подражая тебе, воспое́м Богу: / благословен еси, Боже отец наших.

Богородичен:

Безначальнаго Бога зачала́ еси во чреве Твоем, / Пречистая Дево, / Егоже пою́ще, зовём: / благословен Бог отец наших.

Песнь 8

Ирмос: Из пла́мене преподобным рóсу источіл еси, / и праведнаго жертву водою попаліл еси: / вся бо твори́ши, Христе, то́кмо еже хотети, / Ты превозносим во вся веки.

Ты был еси строитель спасения нашего, отче

Димітріе,/ вопія́ всем послу́шающим учения твоего:/ превозно́сите Христа во веки.

Богомудрый иерарше, всеблаженне Димітріе, мѣлостивою и человеколю́бною к нам любовію моли́ о нас Человеколюбиваго Бога,/ Егоже превозно́сим во вся веки.

Зловредное мудрова́ние раскольников испровергн еси, святе Димітріе,/ верныя же наставил еси пребы́ти твердым во ѳстинней вере,/ превозно́сите, вопія, Христа во веки.

Богородичен:

Преестественное и чу́дное Рождество Твое, Дево,/ воспеваем благочестно,/ превозно́сяще Христа во вся веки.

Песнь 9

Ирмос: Бога/ челове́ком невозможно видети,/ на Негоже не смеют чѣни Ангельстии взирати:/ Тобою же, Всечистая, явися человеком/ Слово воплоще́нно,/ Егоже величающе,/ с Небесными вои/ Тя ублажаем.

Наслажда́ясь, отче, вечныя жизни,/ о нейже усердно подвизался еси,/ моли и нам дости́гнути о́ныя.

Аще и пресели́лся еси от нас на Го́рняя, святителю Димитрие,/ оба́че ду́хом пребываеши с призывающими тя,/ науча́я и укрепляя ходи́ти по стезе́ спасительных заповедей Божиих.

Яви́лся еси благочестия светильник все-светлый,/ ри́тор изящнейший и православных архиереев удобрение:/ тем ты сердечною любовію достойно величаем.

Богородичен:

Богородице Дево,/ Егоже родила́ еси Человеколюбца Бога,/ моли со святителем Димітрием,/ да спасет ду́ши наша.

Светилен:

Вождь спасения явился еси нам, отче Димітріе,/ златозарными словесы́ твоими уча́ и наказу́я:/ и ныне не престава́й озаря́ти сердца́ наши/ светом истиннаго Боговѣдения.

Богородичен:

Владычице Милостивая,/ моли Сына Твоего о нас грешных,/ да изба́вимся вечныя тли и всякия скóрби,/ и да получим вечная благая:/ вся бо мо́жеши, елика хо́щещи.

На хвалитех стихиры, глас 8:

Чистоту сердца, ума правость / и кротость
права провидев, / Сердцеведец Бог возводит тя
на престол архиерейства, / помázав тя и совер-
шив на сие великое звание: / ты же, прияв корми-
ло, направил еси паству твою / в пристанище
Божественнаго хотения, / Димíтрие всеблажен-
не.

Вняв словесём сына громава, / распалил еси
себе любовию: / Бога бо всеконечно, а ближняго,
яко сам себе, возлюбил еси. / Темже и Господь
возлюбил тя, святе Димíтрие, / милостивне пре-
клоняся на твоя прошения: / и ныне, имéяй
дерзновение, моли непрестанно о душах наших.

Слава, глас тойже:

Приидите, вернии, / приидите, любящии Боже-
ственную славу, / приидите, восхвалим Ангела
земнаго и Небеснаго человека, / великаго святи-
теля Димíтрия: / той бо источает нам струи
Божия милосердия / и молится о душах наших.

И ныне, Богородичен:

Владычице, прими молитву раб Твоих / и
избáви нас / от всякия нýжды и печали.

Славословие великое и отпуст.

Молитва святителю Димитрию

О всеблаженный святителю Димитрие, вели-
кий угодниче Христов, Златоусте Российский,
услыши нас грешных, молящихся тебе, и прине-
си молитву нашу к Милостивому и Человеколюб-
цу Богу, Емуже ты ныне в радости святых и с
лики Ангел предстоиши! Умоли Его благоутро-
бие, да не осудит нас по беззакониям нашим, но
да сотворит с нами по милости Своей. Испроси
нам у Христа и Бога нашего мирное и безмятеж-
ное житие, здравие душевное и телесное, земли
благоплодие и во всем всякое изобилие и благо-
денствие, и да не во зло обратим благая, дару-
емая нам от Щедраго Бога, но в славу Его и в
прославление твоего заступления. Даруй нам
Богоугодно прейтí поприще временныя жизни;
избави нас воздушных мытарств и настави нас
на путь, ведúщий в селения праведных, идеже
празднующих глас непрестанный, зрящих Божия

Лица неизреченную доброту. Церковь же Святую от расколов и ересей сохрани, верных укрепи, заблуждающих обрати и всем даруй вся, яже ко спасению и славе Божией подобающая; Отечество твое сохрани от врагов ненаветно, но поборай оружие Крестоносного воинства; и подаждь нам всем твое архипастырское и святое благословение, да оным осеняеми, избавимся от козней лукаваго и избегнем от всякия беды и напасти. Услыши моление наше, отче Димитрие, и моли непрестанно о нас Всесильнаго Бога, славимаго и покланяемаго в Трех Ипостасех, Емуже подобает всякая слава, честь и держава во веки веков. Аминь.

В
ТОЙЖЕ
ДЕНЬ



Святителя Арсения, архиепископа Сербского

Аще хочет настоятель, творит бдение.

НА МАЛОЙ ВЕЧЕРНИ

Стихиры, глас 1.

Подобен: Небесных чинов:

Из млада возраста Бога в себе нося, отче Арсение, / демонския полки огнем молитвенным пожегл еси, блаженне. / Наставил еси, мудре, стадо словесных овец на пажить духовную / и к Богу привел еси.

Девства тезоименитый, Сербский светильник, / чудодейством сияя, великий отче Арсение, / всех нас созываеши в память твою / торжество совершати духовное, / воспевати Спаса Христа.

Добродетели верх и верных основание, / апостолов слава, иерархов хвала, / сербское утверждение, великий отче Арсение, / всех призываеши светло праздновати / всечестную память твою.

Слава, глас 4:

Евангельских источник словесы твоими, святителю отче Арсение, / людей твоих сердца наполни еси, / и семя благочестия в них молитвами твоими возрастил еси, / и сия принесл еси Христу плод изряден. / И ныне, предстоя у Него с лики

апостол и иерархов, / и нас поминай, и сохрани от всякаго озлобленія, / яко в мире совершати память твою.

И ныне, Богородичен: Богородице, всех Царице:

На стиховне стихиры, глас 2.

Подобен: Доме Евфрафов:

Ума владыку на страсти поставив, / плотолюбием не поработився, / Ангельски чистотою, отче Арсэние, пожил еси.

Стих: Блажен муж, бойся Господа, / в заповедех Его восхощет зело.

Архиереев похвала и священников слава, / правило монашествующих, отче Арсэние, / радуйся, Церкви утверждение великое.

Стих: Священницы Твой облекутся правдою, / и преподобнии Твои возрадуются.

Услыши моления раб твоих, архиерее, отче Арсэние, / и слез не премолчи, / и сердечная прошения подавай любящим тя.

Слава, глас 4:

Подобает Сербскому роду Арсэния везде имети архиерея, / яко некую утварь царскую и сокровище некрадомо, / всем подающа богатство, спасения проповедание, / и вся собирающа к соединению песней благолепных, / к немуже возопим: / архиерее и наставниче, Христа Бога моли о душах наших.

И ныне, Богородичен: Избави ны от нужд наших: Тропарь, глас 8: Милости наставниче: Писан на велицей вечерни. Слава, и ныне, Богородичен: Иже нас ради Рождейся от Девы: И отпуст.

НА ВЕЛИЦЕЙ ВЕЧЕРНИ

Блажен муж: На Господи, возвах: аще бдение, поем стихиры на 8; аще ли ни, поем на 6, глас 5.

Подобен: Радуйся:

Радуйся, преосвященне архиерее, / доброе обрет Христова подобие, / имже возшел еси на высоту учений расплождая, / дела добродетелей совершая, / и сими колесницу огненную восхождения твоего сотворив, / к широте Божия града достигл еси. / Небесный человеке, земный Ангеле, / Арсэние отче священне, / Христа Бога моли душам нашим даровати мир и велию милость.

Радуйся, освященне отче архиерее, / деяния добродетелей твоих, / Небесных касаящиеся, подсолнечную просвещают, / и к Божественной высоте возносящиеся, / умныя зари облистающе, / столп добродетелей возвышши выпрь, / Божественнаго твоего зрака возводящ. / Небесный человеце, земный Ангеле, / Арсение освященне, / Христа Бога моли / даровати душам нашим мир и велию милость.

Радуйся, Богоглаголивая главó, Святаго Духа глаголы вещаючи, / трубó Ангельская, всем воздаяние гласящи, / архиереев ссельниче, грешащих заступниче, / теплая утёха притекающим к тебе, / и сим возводящися, Небеснаго зрака приём, / обновил еси, яко орел, юность твою, / учением чада твоя просвещая, / Небесный человеце, земный Ангеле, / Арсение пресвященне, / Христа Бога моли даровати душам нашим мир и велию милость.

Слава, глас 6. Самогласен:

Возсия́ всесветлая днесь иерарха память, / верныя просвещаючи и то́ки неоскудно благоухания точащи, / в нейже собравшеса, цветы добродетельными главы́ своя увязше, / просвещеннаго Арсения хвалами почтим / и сего освященней главé радость возгласим: / радуйся, Божественная ластовице, всем гласящи путь покаяния. / Радуйся, благовонием ра́ки твоя явивый житие твое. / Радуйся, надежде всех хвалящих тя. / Освященне Арсение, молися о душах наших.

И ныне, Богородичен: Кто Тебе не ублажит:

Вход. Прокимен дне. Чтения три святительская (зри страницы 135—138)

На литии стихиры самогласны, глас 2:

Сербская пречестная Церковь, созываючи нас, ликовствуёт, / тем, веселящися с духовными твоими чады, / тебе предстояще и с любовью почитающе тя, / песньми и пении зовём: / архиерее Арсение, моли спастися душам нашим.

Изволив лучшая, / сущия же в житий вещи преобидел еси, / и Горнее житие возлюбил еси, / одеваясь в смирение, / мученически показал еси подвиг страдания телесными по́ты, / райское на-

слаждение восприял еси, / и в светлости святых богáтно вселился еси. / С нимизже Христу предсто́я, пресвященне отче Арсе́ние, / моли спастися душам нашим.

Глас 6:

Церковное светило вси вéмы Боговидное / и душ спасителя, Христова иерарха Арсе́ния. / Сей убо чудодействы сияя и Богословием украшаем, / Христова стада достоин бысть, досточудный пастырь, / милостив и благоуветлив, / и всего мира концы просвети.

Слава, глас 8:

Преславно прославися Святая Церковь, / в нейже стекаются вси вернии, духовная твоя чада, / неисцельных страстéй приемлют исцеления / о имени твоём, святителю отче Арсе́ние: / моли спастися душам нашим.

И ныне, Богородичен: Безневестная Дево:

На стиховне стихиры, глас 2.

Подобен: Кíими похвальными:

Кíими пёсенными добрótами воспо́им архиерея Христова, / устá тихая и Евангелия Его проповедника светла, / церковнаго хранителя и заступника земли Сербстей, / православному воинству нашему поборника; / егоже молитвами врагов шатание Христос низложí, / имéяй велию милость.

Стих: Священницы Твои облекúтся правдою, / и преподобнии Твои возра́дуются.

Кíими похвальными венцы увязём иерарха, / священства венца́, благочестия управление, / Церкви светлое украшение, / источника Божественных исцелений неисчерпа́емаго, / проли́тие дарований духовных, / реку́ многих чудес, землю Сербскую веселящу течением, / Арсе́ния, добраго предстателя нашего и хранителя.

Стих: Блаже́н муж, бойся Господа, / в за́поведех Его восхо́щет зело́.

Кíими украшенными глáсы воспо́им иерарха, / дивнаго в чудесéх Арсения, / безплотных сожителя, освящённаго от пелён, / столпа́ Церкви неподви́жима, / веселие земли Сербския, правды правило, / обидимых заступника, немощных вра-

ча безмездна;/ егоже ради дарова́ Христос
Цёрквам соединение, мир и велию милость.

Слава, глас 6:

**Небеснаго Царствия во благодать / ўзкою сте-
зёю вшел еси пространства;/ райская обитель,
при́ймши тя, наследника сотвори́, / и глаголы уст
твоих хва́лящи, и житие добродетелей
цвету́щее, / и своея красоты́ общника тя устрои́, /
пресвященная же ра́ка благоуханием
исполнися. / Мы же светоносную память любезно
празднуем, / святителю отче Арсэние, / моли спа-
стися душам нашим.**

И ныне, Богородичен: Творец и Избавитель мой:

На благословении хлебов тропарь, глас 8:

**Милости наставниче и благоутробия
сокровище, / еже всем отвёрзл еси, / правоверия
учителю и архиереев Божественное удобрение, /
отче наш, иерарше Арсэние, / нищих был еси
заступник: / тем моли Христа Бога, / просветити
души наша, да не когда уснём в смерть.**

НА УТРЕНИ

По 1-м стихословии седален, глас 3.

Подобен: Божественныя веры:

**Великое солнце всея́ Сербския страны, /
добродетелей твоих сиянии / и чудес светлостми
просветив твоя чада верная, / и истребил еси
страстэй омрачение, святителю отче Арсэние, /
Христа Бога моли даровати нам велию милость.**

Слава, и ныне, Богородичен:

**Божественнаго естества не отлучився, / плоть
быв во чреве Твоем: но Бог вочеловечився и
пребысть, / Иже по рождестве Матерь Тя Деву, яко
прежде Рождества, / сохранив Всенепорочну,
Един Господь: / Того прилежно моли даровати
нам велию милость.**

По 2-м стихословии седален, глас 3.

Подобен: Божественныя веры:

**Образы просиял еси Богоразумия, зарёю обли-
стал еси Сербское достояние / и ча́да твоя наста-
вил еси словесы́ твоими, нищелюбие и любовь
источил еси. / Авраáмову страннолюбию подобя-**

ся, отче Арсэние, / Христа Бога моли даровати нам велию милость.

Слава, и ныне, Богородичен:

Божественная скíния была еси Сло́ва, / Едина Пречистая Мати Дево, чистотою Ангелы превозшедшая, / паче всех мене, персть бывша, осквернёна плотскими прегрешёнными, / очисти молитв Твоих Божественными вода́ми, / подаючи, Чистая, велию милость.

По полиелеи седален, глас 2.

Подобен: Повеленное:

Грядíte, вси вернии, воистину уви́дим чудо дивно, / тленна бо яко нетленна зря́ще Божественнаго смотра́ния, в разум приводя́ща / сего святаго архиерея песньми воспоим, / Божественная дея́ния, яже о нем видя́ще, рцем: / радуйся, отче, земли Сербския, отец и учитель. / Моли Христа Бога грехов оставление даровати чтущим любовью святую память твою.

Слава, и ныне, Богородичен:

Повелённое тайно прием в разуме, в крове Ио́сифове тцанием предста́ Безплотный, / глаголя Неискусобрачней: / Приклонивый схождéнием Небеса вмещается неизменно весь в Тя. / Егоже и ви́дя в ложесна́х Твоих приёмша ра́бий зрак, / ужаса́юся звати Тебе: / радуйся, Невесто Невестная.

Степенна, 1-й антифон, 4-го гласа. Прокимен: Честна пред Господем смерть преподобных Его.

Стих: Что воздам Господеви о всех: Евангелие от Иоанна, зачало 36.

По 50-м псалме стихира, глас 6:

Преподобне отче и преблаженне, / священный пастырю добрый, / Первопастыря Христа угодниче, / положи́вый ду́шу за сербское достоя́ние: / ты ныне, архиере́е Арсэние блаженне, / испроси у Господа даровати нам велию милость.

Канон Богородицы со ирмосом, на 6.

И святаго на 8. Глас 6.

Песнь 1

Ирмос: Помощник и Покровитель / бысть мне во спасение, / Сей мой Бог, / и прославлю Его, / Бог отца моего, / и вознесу Его: / славно бо прославися.

Боже Спа́се мой, отве́рзи мои устне́ и язык мой уясни́, / яко да воспую́ память иерарха Твоего, / егоже на земли́ удиви́л еси славно сла́вити Тя: / славно бо прославися.

Иже превы́шняя держа́щи, в Небесная се́ла водворя́ше ты мудрость Божи́я, / де́тели дарова́ний тебе воздаю́щи, / Горних все́льника сотворя́ет, Господу пою́ща: / славно бо прославися.

Божественная краси́лица, веселя́ще священнаго твоего зра́ка, / в вы́шняя все́ляют покóища, / к Божественней трапéзе, Господу пою́ща: / славно бо прославися.

Богородичен:

Оковáнных Свободителя, Богородице, и тёмных Просветителя́ чрево Твое пречистое вмести. / Егоже рождеством и́дольския лэ́сти свобóждшися, / Истинную навькóхом воспевати Божию Матерь.

Катавасия: Отверзу уста моя:

Песнь 3

Ирмос: Утверди́, Господи, / на ка́мени заповедей Твоих / подви́гшееся сердце мое, / яко Един Свят еси и Господь.

Просвещение де́тели твоея Божественных касáясь, / от земных к памяти возводит вы́шняго желанья, / преводя́ от тли в Жизнь неконечную.

Память твоя пребывает, святителю, / и кротость сердца твоего в род и род, / сей уподобляеми, Божественныя твоея славы насыща́ющися, / достойно ты воспеваем.

Пре́йде сень закона, изнемо́гши, / де́лом благовествования твоего, / Христос Истина, сия́ющи, вся просвещает, / верою память твою, святителю, праздную́щия.

Богородичен:

Света Божественнаго За́ря из чрева Твоего просия́, верных благоухаю́ща: / Сего благовоние получи́вше, / омрачэ́ния свобóдихомся Тобою, Богородице Пречистая.

Седален, глас 4.

Подобен: Вознесыйся:

Днесь иерарха память возсия́ нам, солнцеобразно лучáми сия́ющи, / света явление всем

простирает,/ и всем велегласно вопиёт и глаголет:/ приидите, желаемых насладимся.

Слава, и ныне, Богородичен:

Теплое заступление сущих в бедáх, и Помощницу нашу,/ и к Богу пременение, Еюже тли избáвихомся,/ Богородицу вернии ублажаем.

Песнь 4

Ирмос: Услыша пророк пришествие Твое, Господи,/ и убояся,/ яко хочещи от Девы родиться/ и человеком явится, и глаголаше:/ услышах слух Твой и убояхся,/ слава силе Твоей, Господи.

Воссиявый свет и Просвещей утро,/ показа ты день, освященне отче Арсэние,/ учением Божества Его, вся к свету Того возводящаго./ Имже просвещаемá духовная твоя чада, память твою празднуем.

Жития архиерейства твоего образы, соперника не имуще,/ без свидетелей обличают тя:/ плотская бо духовным покорив,/ отхождением своим в Небесная вселися,/ идеже ликовствуя, преблаженне Арсэние, светом Божественным просвети любовьию поюция ты.

Чудес, ихже сподобился еси от Владыки твоего, преподобне, зряще,/ Божественная твоя чада, духовныя сладости насыщаемся,/ ты представителя имуще к Нему,/ причастия Божественнаго сподоби нас улучшить, молимся.

Богородичен:

Чрево девственное носит,/ Едемская дверь отверзается,/ áбие верных снмы дерзюще входят,/ Истинную Богородицу верно восхваляют,/ Рожденному от Нея зовуще:/ слава силе Твоей, Господи.

Песнь 5

Ирмос: Мир мног любящим Тя, Христе,/ и ночь просвещения в пици словес Твоих:/ сего ради от ноци утреннююще,/ просим милости от Тебе, Человеколюбче.

Вседетельная и всемогущая мудрость, и сила Владычня,/ столпа истинна ты пресвященнаго сотвориши, дом создала еси,/ Божественныя ограды Его наполняющ и еретическая шатания прогоняющ,/ Арсэние преблаженне, тем ты восхваляем.

Воссияв от Небес благолепие Вышняго,/ при-

мѣсом святительства облож ты, Небесныя трапѣзы состѣльника сотвори,/ нынѣшняго же подателя верным показá, священне, вопиюща:/ прѣбим милости от Тебе, Человеколюбче.

Светолїтя Божественнаго исполнившися,/ пресвященная твоя главá сладости языка удержи не возможѣ:/ аще бо и в земленáя снїде, но духом в Небесная достигѣ,/ отче Арсѣние, мир испроси душам нашим.

Богородичен:

Прадедняя клятва разрешися и прамáтерняя болезнь исцелися,/ Пречистая, чрева Твоего Рождеством:/ безсеменно бо зачѣнши, Слово родилá еси./ Емуже прилежно молися спасти ны.

Песнь 6

Ирмос: Возопїх всем сердцем моим/ к Щедрому Богу,/ и услыша мя/ от ада преисподняго,/ и возведѣ/ от тли живот мой.

Божественныя славы путешествия дѣлы являюще,/ земнáя проводят с веселием, Небесная же радуются,/ приемлюще духом пресвященнаго Арсѣния.

Благословен плод Богоприятный,/ Божественнаго Духа дѣтелями сияя, и преисподняя мрачїт,/ в торжество иерарха собирающияся просвещает воистину:/ грядите, вернии, просветимся.

Граднаго шествия течение провосхищáя, ведáй предстоит Арсѣний, зовый:/ грядите, чада, стрáху Господню научитесь, якоже речѣ Господь:/ яко крѣток есмь и смїрен сердцем, и обрящете покой душам вашим.

Богородичен:

Исконї пророчества о Тебе прорекѣша, нынѣ же на Тебе исполнишася, Пречистая:/ ов бо Ты руно пронаречѣ, на негоже снїде Слово Божие,/ ныне же Ты, Дево, родилá еси Господа.

Кондак, глас 2.

Подобен: Вышних ищá:

В пїщи словѣс твоих, Богоносе Арсѣние,/ разумно чáда твоя питаю,/ языком хваля, устнáми же пение принося, вещанием зовый:/ Христе, Ты еси Свет неизреченный.

Икос:

Сладкое твое вещание в послушество приходит, / громóвными образы простираяся, в добропослушание нудит, / неизреченныя радости общники увещавая: / приидите, чада, глаголя, возвеличите Господа со мною. / Егоже сладости насыщающесе, в Небесная села водворимся / и светлости сподобимся, вещанием зовуще: / Христе, Ты еси Свет неизреченный.

Песнь 7

Ирмос: Неизреченное чудо, / в пещи Избавивый преподобныя отроки из пламене, / во гробе мертв бездыханен полагается / во спасение нас поющих: / Избавителю Боже, / благословен еси.

Аще и земная превосходит, Вышним касаяся, / благодатию духовною с сими совокупляяся, / неизреченныя радости наполняет, / сыны света сотворяет, поющих: / благословен Бог отец наших.

Житейская унывают и Божественная красуются, / Небесная торжествуют, архиерейский твой дух приемлюще, / земная поправша и в Небесных ликующа, с веселием пояху: / отец наших Боже, благословен еси.

Детели Божественнаго твоего духа расширяюще входы, / Божественная чада твоя ведут в Живот. / Ихже, желающе, просим: моли о нас, пресвященне Арсение.

Богородичен:

Дверь Тя заключенную нарече пророк, Чистая, / юже никтоже пройде, токмо Бог Един, / отверзая нам паки едемския входы, / верно славающим Тя, Богородице.

Песнь 8

Ирмос: За законы отеческия / блаженнии в Вавилоне юноши предбедствующе, / царюющего оплеваша повеление безумное, / и, совокуплени имже, не сварившася огнем, / Державствующему достойную воспеваху песнь: / Господа пойте дела / и превозносите во вся веки.

Светом Божественным озаряема, благоуханием цветущи, / священная память твоя, Арсение, просвещает верныя, созывающи вопити: / Господа воспевайте дела и превозносите Его во веки.

Желаемых сытости Божественная твоя чада наполнитися просяще, / благоукрашенною твоею

памятию прохладяеми,/ и, веселящися, верно поют Прославльшаго память твою, иерарше, зывающе:/ Господа воспевайте дела и превозносите Его во веки.

Память твоя вечная, архиерее, кротость и смирение сердца твоего возвещающи,/ в нюже собираеми, просвещения Божественнаго ходатайством твоим/ надеющися получитьи желаемых, веселием зовуще:/ Господа пойте дела и превозносите Его во веки.

Богородичен:

Неоскудныя токи милосердия источающи призывающим Тя, Владычице,/ и песньми хвалящих Тя, Чистая,/ не остави молящихся Тебе, Царствия Сына Твоего сподоби, вопиущия верою:/ Господа воспевайте дела и превозносите Его во веки.

Песнь 9

Ирмос: Странствия Владычня/ и безсмертныя трапезы/ на Горнем месте, высокими умы,/ вернии, приидите, насладимся,/ возшедша Слова, /от Слова научившися, Егоже величаем.

Теченьми преминё земленая твоя жизнь,/ и Небеснаго тя селения не остави,/ ибо не потчеса ногá плóти твоя,/ дремания дух тебе не одоле, хранящу тя Богу./ Темже моли за ны Господа, пресвященне отче Арсение.

Небеснии лицы радуются, мы же, землении, славословим,/ демонская крепость исчезе, пресвященнаго твоего духа выспръ видяще водворяема в Небесная селения,/ о хвалящих тя моли, священне Арсение.

Отцу, и Сыну, и Святому Духу верою покланяемся,/ Тричисленное Единство славяще и с любовью воспевающе, глаголем:/ молитвами иерарха Твоего Арсения, помилуй и сохрани вся ны.

Богородичен:

Древним преступлением введе в пагубу прабаба естество земное:/ Рождества же Твоего чревоношением, Пречистая, паки к Богу

примири́хомся./ Егоже сла́вяще, Тебе, Дево, величаем.

Светилен.

Подобен: Небо звездами:

Святителю преставльшуся, собра́шася наро́ди погребсти́ тело его,/ Ангели же веселя́щеся, приима́ху душу его,/ вселя́юще во святы́е двору́.

Слава, и ныне, Богородичен:

Державным Твоим Покровом/ от враг наве́та рабы́ Твоя сохрани́, Чистая, вся ны невредны:/ Тя бо стяжа́хом Едину прибежище в ско́рбех.

На хвалитех стихиры на 4, глас 4.

Подобен: Яко добля:

Мимоте́к земна́я, Вышних достигл еси/ и со Ангельскими ли́ки водворя́ешися,/ Троицы проповедник яви́вся./ Ейже предстоя со дерзновением,/ за ны моли́ся прилежно, Арсе́ние преподобне,/ сопрестольниче архиереев и похвала.

От чувственна твоего жити́я на Небеса возводи́ма,/ со святыми сияю́ща пресветло, Горé вселя́ема,/ ты земная славословят и Небесная радуются:/ с нимиже Христу предстоя,/ моли́ся о нас, Арсе́ние,/ сопрестольниче архиереев и похвала преподобных.

Найдем Святаго Духа,/ освященная твоя глава́, иерарше, чу́вственным зра́ком прозря́щи,/ язы́чными струя́ми со архиереи избóли сла́вити/ в Троице Еди́но Божество:/ Ейже предстоя, Арсе́ние, моли о нас,/ сопрестольниче архиереев и похвала.

Слава, глас 6:

Превзы́де память твоя, Богоносе иерарше Арсе́ние,/ па́че чувственнаго света сияю́щи,/ пречу́дная бо сотворил и дивная приял еси,/ правыми пу́ти шествовав, преславная наследовал еси./ В нейже ликующе, духовная чада/ в Небесная се́ла молитвами твоими водворя́ются,/ и веселя́тся, тебе предстоя́ще,/ и торжествуют твое кра́сное успе́ние,/ тобою прося́ще получи́ти от Христа велию милость.

И ныне, Богородичен: Богородице, Ты еси лоза:

Славословие великое. И отпуст.

На литургии: блаженна от канона святого, песнь 3-я и 6-я. Прокимен, глас 1: **Уста моя возглаголют премудрость, и поучение сердца моего разум. Стих: Услышите сия вси языцы: Апостол ко Евреом, зачало 318. Аллилуия, глас 2: Уста праведнаго поучатся премудрости: Стих: Закон Бога его в сердце его, и не запнуты стопы его. Евангелие от Луки, зачало 24. Причастен: В память вечную:**

**В
ТОЙЖЕ
ДЕНЬ**



Преподобнаго Йова Почаевскаго, чудотворца

НА МАЛОЙ ВЕЧЕРНИ

На Господи, возвах: стихиры, на 4, глас 7:

Явися день благоволения Божия / и праздник веселия: / степемся убо, вернии, на гору Почаевскую / и воспойм всеблаженнаго Йова, / честную память того совершающе.

Дремания веждама, / ниже сна очима твоима дал еси, преподобне, / бодренными молитвами и постническим житием Господеви угождая, / тем же радостно совершаем память твою, всечестне.

Приидите, вернии, на святую гору Почаевскую, / идеже угодник Божий / подвизася в житии своем / и от силы в силу восхождаше, / и тому ныне помолимся, / да во обителях Небесных водворився, / молится ко Господу о спасении душ наших.

Не может град укрытися, верху горы стоя, / ты же, преподобне, / аще и в темней каменной пещере / почиваеши нетленным телом твоим, / обаче всех призываеши на гору Почаевскую / светлаго ради праздника твоего, / моля Христа Бога спастися душам нашим.

Слава, и ныне, Богородичен, глас 6:

Всесвятая Богородице, / во время живота моего не остави мене, / человеческому предстательству не ввери мя, / но Самá заступи и помилуй мя.

На стиховне стихиры, глас 6:

Память твою днесь празднующе, / преподобне

отче наш Йове, вопиём ти:/ со Ангелы предстоя
в дерзновении мнозе,/ о всех нас, отче, молися ко
Владыце Христу.

Стих: Блажен муж, бояйся Господа,/ в запове-
дех Его восхощет зело.

Утро и день светел,/ твой праздник явился,/ просвещая наша сердца,/ верою хвалящих че-
стных твоих подвиги,/ отче наш Йове.

Стих: Честна пред Господом/ смерть преподоб-
ных Его.

Яко солнце на земли,/ обрет всечестную ико-
ну Божия Матере/ на горе Почаевстей,/ всесвет-
лая звезда той показался еси;/ темже и нас,
поющих тя,/ светом Богоразумия озари,/ молит-
вами Богородицы, Йове отче наш.

Слава, и ныне, глас тойже:

Все упование мое/ на Тя возлагаю, Мати
Божия,/ сохрани мя под кровом Твоим.

Тропарь, глас 4:

Многострадальнаго праотца долготерпение
стяжав,/ **Крестителеву** воздержанию
уподобляясь,/ **Божественныя** же ревности обою
приобщаясь,/ тех имен достойно прияти сподо-
бился еси/ и истинныя веры был еси проповед-
ник безбоязнен;/ темже монахов множества ко
Христу привел еси,/ и вся люди в Православии
утвердил еси,/ Йове преподобне отче наш,/ моли
спасти души нашим.

Слава, и ныне: Еже от века утаенное:

НА ВЕЛИЦЕЙ ВЕЧЕРНИ

На Господи, возвах: стихиры на 8, глас 1:

Прииде день памяти твоея, Йове преславне,/ и
Волынская земля радости исполняется,/ яко тво-
им научением во Православии утвердившись/ и
твоими подвиги благочестию научившись,/ на
твоя же молитвы уповаючи:/ иже, отче препо-
добне, испроси миру мир/ и душам нашим
велию милость.

Во славней памяти твоей, угодниче Христов,/ монашества собори ликовствуют/ и о Богоугод-
ном житии ревностною распаляются,/ твоим же

нетлѣннымъ мощѣмъ покланяющеса, / яко живущему ти с нами восклицаютъ: / отче Йове, милостиве и Богоуветливе, / испроси у Господа мірови мир и душамъ нашимъ велию милость.

Кто не подивится твоему долготерпеливому житію, / отче преподобне, / во триехъ бо обителехъ твоя преславная деянія проповедашася, / постъ же, и слезы, и бденіе, / в пещере себе заключеніе / и во всемъ себе непощаденіе, / но ко братии любовь мѣлющая, / тѣтемъ прощенье / и всемъ людемъ доброе наученіе.

Ины стихиры, гласъ 2:

Кѣими похвальными венцы / увязѣмъ преподобнаго Йова, / веры Православныя учителя и ратоборца, / Божественныхъ Писаний глашѣтая, / отеческихъ же Преданій списателя, / но и тяжкихъ службъ исполнителя, / земли копаниемъ и дрѣвѣс сажденіемъ / себе смирявшаго и всемъ образъ послушанія бывшаго; / сего нынѣ нетленною славою / венчаетъ Христосъ Богъ нашъ, / имей велию милость.

Кѣими достойными благодареньми прославимъ Йова, / Почаевскую похвалу и всея страны Россійскія украшеніе, / той бо молитвами своими Небесный светъ в пещеру низведѣ, / той и по преставленіи своемъ с Небесе является / и молитву возноситъ о напѣствуемыхъ людехъ, / тамо бо славою венчаетъ его Христосъ Богъ нашъ, / имей велию милость.

Кѣими умилѣнными слезами / сокрушимъ растлѣнная сердца наша, / зряще Йова нетленное тело, / еже по смерти, аки живо, сохраняется, / но во время житія его, аки мертво, пребываше, / постомъ и бденіемъ изнуряемо, / того убо подвигомъ подражати потщимся, / да и насъ во грядущемъ житіи помилуетъ Христосъ Богъ нашъ, / имей велию милость.

Слава, гласъ 3:

Твоимъ словесѣмъ, Господи, / послѣдовавъ, Йовъ преподобный / вся красная мира сего во умѣты вмѣнилъ есть / и, о юности своей нерадивъ, / измлада монашескому послушанію впадѣся, / темже дѣмонскія козни победивъ, / адамантъ крѣпокъ пра-

вославнога благочестия явился есть, / всю же страну сию своими подвижи просвещает, / того молитвами души наша пощадí / и даруй нам помысл добрый / еже прежде конца покаяния.

И ныне, Богородичен: Како не дивимся:

Вход, и чтения три преподобническая (зри страницы 791—792).

На литии стихира храма и святого две, глас 8:

Приидите, вси словенстии собори, / прославим общаго спасения рачителя / и ереси безбоязненнаго обличителя, / нищих питателя и грешников кроткаго вразумителя, / Павлову ревность о людех явившаго / и дерзновение велие ко Господу стяжавшаго, / той бо и по преставлении своем болящия исцеляет / и дерзновенная нашествия варвар отгоняет, / нас же умиленными помыслы исполняет / и мо́лится присно о спасении душ наших.

Слава, глас 2:

Днесь ликует твоя Лавра, / преподобне отче Иове, / и вси людие твоя мóщи лобызати подвизаются, / дёмони твоя благодати трепещут, / и Ангели о твоём заступлении радуются. / Мы же непрестанно вопием: / утверди твоими молитвами православных веру, / житие наше исправи / и спасение испроси душам нашим.

И ныне:

Все упование мое / на Тя возлагаю, Мати Божия, / сохрани мя под кровом Твоим.

На стиховне стихиры, глас 5:

Радуйся, священная главó, Иове, / Волы́нския страны украшение, / тую бо зриши в Православней вере утверждаему, / тебе, яко живу, сущу молящуюся / и заступления на дёмоны просящую, / ейже буди заступник неборимый / и о всем мире мо́литвенник.

Стих: Честна пред Господем / смерть преподобных Его.

Радуйся, священная главó, / преподобне Йове, / звездо от Гáлицкия земли к востоку пришедшая / и немощных души ободрившая, / во

смирении своем дерзновению противу ереси лю-
ди российския наставившая / и к Небесному
Царствию приведшая, / егоже и нас сподоби
предстательством твоим / и о всем мире буди
молитвенник.

Стих: Блажен муж, бояйся Господа, / в запове-
дех Его восхощет зело.

Радуйся, священная главó, / над Волынскою
страною Господем вознесенная, / ейже повинуша-
ся князи и людие, / мы же, духовная твоя чада, /
сёрдцем сокрушённным к тебе припадающе, / про-
сим ко одолению страстéй твоея пóмощи, / в
скóрбех благодушия, / и о смёртном часé памяти
непрестáнный, / и о всем мире молитв твоих, /
Иове преподобне.

Слава, глас 8:

Монахов множества наставника ты почитаем,
отче наш Иове, / твоею бо стезею воистинну
право ходити познахом. / Блажен еси, Христу
работав, / и вражию обличил еси силу, / Ангелов
собесёдниче, / и преподобных соприча́стниче, и
праведных, / с нимиже моли́ся Господеви / поми-
ловатися душáм нашим.

И ныне, Богородичен: Безневестная Дево:

Тропарь, глас 4: Многострадальнаго праотца долготер-
пение стяжав: дважды (писан на малой вечерни) и **Богоро-**
дице Дево: единожды.

НА УТРЕНИ

На Бог Господь: тропарь преподобному, дважды. **Слава, и**
ныне, Богородичен.

По 1-й кафизме седален, глас 4:

Званию Господню последовав, родительский
дом оставил еси / и от теснаго жития на тесней-
шее переходил еси, / но сердце твое вся, притека-
ющая к тебе, не тесно вмещáше, / темже духовная
чада твоя умно́жишася и о Господе
возвеселишася, / Егоже моли, отче наш Иове,
спастися верою чтущим святую память твою.

Слава, и ныне, Богородичен:

Обновила еси, Чистая, Божественным Рожде-
ством твоим / истлевшее страстьми́ земнорóдных
мертвенное существó / и воздвигла еси вся от

смерти к жизни нетления./ Темже Тя по долгу
блажим вси, Дево Препрославленная, якоже про-
рекла еси.

По 2-й кафизме седален, глас 5:

**Пещёрнаго затворника и бденнаго молитвен-
ника почтѣм, преподобнаго Йова, / от младенства
до старости себе смирявшаго и Святую Церковь
прославльшаго, / тати и злодеи к покаянию при-
ведшаго и тёпле молящася о душах наших.**

Слава, и ныне, Богородичен:

**Ужасно чудо зачатия и несказанен образ
рождества / в Тебе познася, Приснодево Чистая, /
ужасает мой ум и удивляет помышление: / слава
Твоя, Владычице, всем простресея во спасение
душ наших.**

Псалом избранный преподобному.

По полиелеи седален, глас 8:

**Пастырскую мудрость смиренномудрием стя-
жав, многим был еси учитель: / монахом отец, и
скорбящим утешитель, и молитвы Иисусовы не-
умолкаей орган. / Темже мощей нетлением про-
слави тя Мздовоздайтесть Господь, / Егоже непре-
станно моли прегрешений оставление даровати /
чтущим любовь святую память твою.**

Слава, и ныне, Богородичен:

**Небесную дверь и кивот, всесвятую гору,
светлый облак воспойм, / неопалимую купину,
словесный рай, Евы воззвание, вселенная вся
великое Сокровище, / яко спасение в Ней содела-
ся миру и оставление древних согрешений. / Сего
ради вопием Ей: / молися Сыну Твоему прегреше-
ний оставление даровати / благочестно поклоня-
ющимся всесвятому Рождеству Твоему.**

Степенна, 1-й антифон 4-го гласа. Прокимен, глас 4:
Честна пред Господем / смерть преподобных Его. Стих:
Что воздам Господеви о всех, яже воздаде ми. Евангелие
от Матфея, зачало 43.

По 50-м псалме стихира, глас 6:

**Преподобне отче, / во всю землю изыде веща-
ние исправлений твоих, / тем на Небесех обрел
еси мзду трудов твоих, / демонския погубил еси
полки / и Ангельския достигл еси чины, / ихже**

житию без порока поревновал еси, / дерзновение
имея ко Христу Богу, / мир испроси душам
нашим.

Канон Богородице на 6
и преподобному на 8, по азбуце.

Канон преподобному и Богоносному Иову,
Почаевскому чудотворцу, глас 8.

Песнь 1

Ирмос: Посеченный несекомага пресече, / и виде
солнце землю, юже не виде; / лютаго врага вода потопи, /
и непроходимое пройде Израиль; / песнь же
воспевашеся: / Господеви поим, славно бо прославися.

Ангела земнаго и Небеснаго человека, **Иова**
преподобнаго, **Волынскую** похвалу, / достойно
воспети помози ми, **Слове Божий**, / презирая моя
прегрешения и подавая слово устом моим.

Был еси, преподобне, воистинну миру све-
тильник пресветел, всем путь спасения
показуй; / темже и мне буди помощник, / во еже
прославити житие твое и умиление стяжати.

В дому родителей твоих первее познал еси
Господа, **Иове** славне, / и, отрок сый, разум
совершен показал еси, егда монашеское житие
изволил еси, / вся же житейская провидев, **Еди-**
наго Бога возлюбил еси.

Горе очи твои и душу вознося, во обители
Угорництей братию в Богоугоднем житии скоро
превозшел еси, / худша всех себе помышляя и
тем лучший **Иисусу** являясь, / старцем же и юным
образ быв прелюбезнейший.

Добре ты на диаволы воинствовавши помыш-
ляя, преподобне, / своея стыждуся лени и
множества грехов моих ужасаюся: / но твоими,
святе, молитвами даруй ми желание благое, / во
еже прочее время жития моего в покаянии скон-
чати.

Богородичен:

Яко Божия Мати дерзновение имущи к рож-
дшемуся из Тебе / Единородному Слову, и Отцу
Собезначальному, и Соестественному Духу моля-
щи не престай от бед спасти, **Всепорочная**, /
Тя, **Богородицу**, славящая.

Катавасия по уставу.

Песнь 3

Ирмос: Утвердися сердце мое во Господе, / вознесся рог мой в Бозе моем, / разширишася на враги моя уста моя, / возвеселихся о спасении Твоем.

Есть во мне, отче преподобне, добраго исправления желаніе, / но искушения лености побеждати не навыхоу, увы мне. / Обаче на помощь твою надеяся, уныния помыслы отгоняю, / на твоя же взираю славныя подвиги.

Желѣзо наречесея род твой, Йове преподобне, крепость души твоя предудказуя; / в пещере же каменне заключився, яко злато сокровено, освятил еси место подвигов твоих / и гору Почаевскую, яко стену медяну, противу врагов Православия явил еси.

Зело углубишася помышления твоя яже о Небеснем Царствии, / егда, еще отрок сый, Ангельский образ восприял еси; / темже и священник быв Богу верен, / даже ныне моления о людех возносиши, Йове преподобне.

Земля Галицкая юностию твоею славится, и Дубенская обитель мужеския подвиги твоя благовествует, / обитель же Почаевская старостию твоею хвалится и блаженною кончиною веселится, / вся же вселенная о чудесех твоих радуется и ликовствует.

Иже подаеши благая всем, молящимся тебе, и мене припадающа не отрини, святче, / но, покаяние мое зря, даждь ми жития исправление, ревность же вдохни, / еже подражати твоим Боголюбивым деянием.

Богородичен:

Умерщвленный мой ум Животным действием из Тебе, Явльшимся миру, воздвигни, Чистая, / и к жизни настави, / Яже смерти двери разоршася Едина Рождеством Твоим.

Седален, глас 8:

Днесь исполняется радости обитель Почаевская, твое Боголюбивое житие прославляюще; / днесь христоименити люди ревностию спасения просвещаются, зряще нетлением прославленные мощи твоя, преподобне; / днесь греховныя отгоняются страсти, и помыслы покаяния

ду́ши наша объе́млют, / в нихже утверди всех,
преславне, верно почитающих память твою.

Слава, и ныне. Богородичен:

Яко Всенепорочная Невеста Творца́, яко Неискусомужная Мати Изба́вителя, / приятелище яко сущи Уте́шителя, Всепетая, / беззакония мя суща скверное обита́лище и де́монов игра́лище в разуме бывша, / потщися от тех злодейства мя избавити и светлое жилище добродетелей соверши, Светоносная Нетленная, / отжени облак страсте́й, и Вышняго причастия сподоби, и Света невечерняго молитвами Твоими.

Песнь 4

Ирмос: Пророк Авваку́м умныма очима / провиде, Господи, прише́ствие Твое, / тем и вопиаше: / от ю́га придет Бог. / Слава силе Твоей, слава снизхожде́нию Твоему.

Иове преподобне, о всех моли́твенник буди теплый, твоему заступлению верующих, / свое же окаява́ющих жити́е и на Божие милосердие упова́ющих, / аще и прельще́ньми жити́я сего вла́ющих.

Кто от человек не подивится долготерпеливому жити́ю твоему, отче, / кто ли не прославит твоея о Православии ревности, / ты бо, яко адама́нт крепок, еретико́м противостал еси, / и истинныя веры пропове́дание словесы́ же и писа́ньми всем преподал еси.

Лва рыка́юща и и́щуща поглотити ду́ши спасаемых молитвою твоею победил еси, отче, / но и тому служащия люди в покая́ние приводил еси, / та́ти милосе́рдием твоим постыжда́я и вразумляя, грабители же обличе́ньми устраша́я / и вся науча́я спасительному покая́нию.

Мрак ду́ш моея, отче, предста́тельством твоим разсей / и светом заповедей Господних просвети́ мое ока́нное сердце, / да и аз, твоим учеником последуя, тех части лишён не пребуду, / твою восхваляя святую память.

Богородичен:

Бога, из Тебе воплощённаго, моли́, непреложно, / Еже бе пребывша и естественно Равна Отцу, и Духу Сопрестольна, / прощение

прегрешений и душ спасение поющим Тя верою даровати.

Песнь 5

Ирмос: Мрак души моя разжені, Светодавче Христѣ Боже, / началородную тьму изгнав бѣдны, / и даруй ми свет повелѣній Твоих, Слове, / да, утренюя, славлю Тя.

Наш еси воистинну предстатель и чудотворец пресветлый, / взываше Дионісій, обрѣтый мѣщи твоя, тленію непричастны. / Мы же, сия лобызѣюще, вопием: / наших скверн не возгнушѣйся, угодниче Божий, но твоими молитвами сия очисти.

Оправданием Божиим от юности, отче, научаемъ, / суеты житейския уклонитися крепко возжелал еси, безмолвие же возлюбил еси: / обаче велению Христову не противляясь, притекающія к тебе Правому исповѣданію и Евангельскому житію научал еси.

Предстатель явился еси и по преставленіи твоём страждущим и скорбящим человеком: / тако бо ты видеша людие, из гроба твоего исходяща и со Ангелы посреде церкви молящася. / О, чудо преславное воистинну! О, радость верным и утверждение!

Рачитель быв Небеснаго Царствія, о своем тамо вхожденіи извествѣешися / и кромѣ болѣзни и страха пресельник являешися лучшія жизни, / братии же твоя учитель и упованіе.

Сопутник житію моему буди, отче Иове, / молитвою твоею ограждай многмятежную мою душу / и введи ю в Небесное Царство, твоими умиленную подвиги, / Христу же покаянныя приносящую слезы.

Богородичен:

Тя стену имѣе и предстательством Твоим соблюдаеми, / Твоею Божественною славою хвалящася, Тя блажим: / Ты бо, Всечистая, душам нашим источаеши веселие и радование.

Песнь 6

Ирмос: Ибну в ките, Господи, / одинаго вселѣл еси, / мене же связана мрежами вражними, / яко от тли онаго, спаси.

Твердое упованіе на предстательство твое

возлагаю, преподобне, и верою молюся:/ даждь ми страстѣй лѹтых одолѣние, смерти же непрестанную память/ и блаженства желаніе грядущаго вѣка.

Утверждаѣтся тобою, преподобне, Святая Церковь,/ ересь же всякая посрамляется, обличѣніе имѹщи твоя многоцелѣбныя мѹщи,/ и житія твоего столѣтняго труды, и болезни, и слѣзы, и пост, и плоти от костѣй отпадѣние.

Фараѹна мысленнаго побеждаше **Йов** преподобный,/ послушанію всегда прилежа и обуреваемым на помощь приходіти не отрицаяся:/ и тако три обители учением своим просветив и пѹдвиги многими прославив,/ веселяше Спаса всех, Человеколѹбца.

Христову смиренію подражаше **Йов**,/ егда начальство яко служѣние всем прият и, игѹмен сый, в тяжких слѹжбах подвизашеся,/ брѹтїи же бѣше образ кротости, и трудолюбїя правило, и о молитве прїсное напominаніе.

От сквѣрных избави мя страстѣй твоими молитвами,/ тех одолѣние мне подавая Божественныя помощи прїсным призываніем,/ и на себѣ ненадеянїем, и брата моего неосужденіем.

Богородичен:

Вознесла еси всеистинно падшее человѣческое существо во зраце Божественном,/ и Отца в равенстве видимаго Сына Неизменнаго, Богомати, без семене во чреве поносивши.

Кондак, глас 4.

Подобен: Явился еси днесь вселенней:

Явился еси Истинныя веры столп,/ Евангельских же заповедей ревнитель,/ гордыни обличѣніе, смиренным же предстатель и наученіе:/ темже и ублажающим тя грехов отпущеніе испроси/ и обитель твою невредиму сохрани,/ **Иове** отче наш,/ Многострадальному подобный.

Икос:

Отверзи уста твоя, пещѣро каменная, и рцы нам, колькраты токи слез **Йов**лих омочилася еси,/ како того воздыханія твоих стен не расторгѹша,/ како Свет Божественный тебе не сожже,/ како Ангели бденным подвигом **Йов**лим

диви́шася, теми бо освяті́ся земля Га́лицкая и Волы́нская; / мы же, сия вся помышляюще, слеза́ми умиления очи наши исполняем: / есть бо преподобный Иов угодник дивный, Многострада́льному подобный.

Песнь 7

Ирмос: На по́ли Де́йре / иногда́ мучи́тель пещь поста́ви на мучение Богоно́сных, / в нейже три́е о́троцы песносло́вяху Еди́наго Бога, / трі́ично воспева́ху, глаго́люще: / отцев Бо́же, благословен еси.

Люди православныя, ты блажа́ция, преподобне Йо́ве, / укрепи на враги и о Церкви мирная глаголи в сердце их, / всем единомыслие испроси у Бога, и друг ко другу любовь, и о Православии ревность.

Чашу житія́ Твоего́ пити, Господи, не могу́ аз, ока́янный, / боя́знию скорбе́й обуреваемъ и страстей сплетаемъ тернием, обаче молю́ся: / Йо́ва, Твоего́ угодника, молитвами поми́луй мя / и помо́зи ми греховную отрясти ле́ность.

Широкий путь, погѣбель души предно́сящий, возненави́дев, Йо́ве преподобне, / в тесней пещере заключи́лся еси и тѣснаго пути жизни в нача́льстве твоём не уклони́лся еси, / день и но́щь в молитве и трудех пребыва́я и научение здра́вое всем приходя́щим к тебе подава́я.

Щедр был еси ни́щим, ка́ющимся же милостив и науче́ния требующим учи́тель крѣток, / Боже́ственныя же мудрости любите́ль и Ева́нгельских за́поведей проповѣ́дник, / книг же Боже́ственных изда́тель и е́реси безбоя́зненный обли́читель.

Богородичен:

Ма́рию Пречистую и Всесвя́тую восхва́лим: / То́ю бо благода́ть нам исто́ча́ется паче ума даро́в, яко от пото́ка Боже́ственныя благо́сти, / Ю́же благоче́стивым по́мыслом ны́не ублажа́ем.

Песнь 8

Ирмос: Покрыва́яй вода́ми превыспренная своя, / полага́яй морю́ предѣ́л песѣк / и содержа́й вся, / Тя поёт со́лнце, Тя сла́вит луна́, / Тебе прино́сит песнь тварь / яко Соде́телю всех во веки.

Е́дущим и иду́щим во обитель твою́ безчисленны́м людем, ко твоим же мо́щем припа́дающим, / буди дарова́ний духо́вных пода́тель, телесных же

болѣзней целитель / и пред Спасом теплый о всех предстатель, / Йове, земли Волынския славо и украшение.

Юноша телом, но старец умом в начале монашескаго жития твоего был еси, отче: / состаревся же плотию, юношескую бодрость в трудах являл еси, / земли копаньем и древес насаждением образ всем смиренномудрия подавая.

Явление твое со Ангелы вкупе смиренную деву ужасаше, / здравие же ученику твоему подаваше и вся люди на славословие Богуи воздвизаше, / Истинную же утверждаше в них веру и еретическая отрешаше нападения.

Фимиамом молитв твоих и мене облагоухай, Йове преславне, / моих грехов злосмрадие тем отгоняя и упование на Господа вселяя в мою смрадную душу, / да благодатию Божиею очищаемь, воспою твое, преблаженне, крепкое заступление.

Богородичен:

Богородительнице Всечистая, души моя язвы и греховныя струпы очисти, / источником омывающи сущим из ребр Сына Твоего, и потекшими из тех, очищающими, струями: / к Тебе прибегаю и Тя призываю, Богоблагодатную.

Песнь 9

Ирмос: Благословен Господь Бог Израилев, / воздвигнувший рог спасения нам / в дому Давидове, Отрока Своего, / в нихже посетит нас Восток с высоты / и направил ны есть на путь мира.

Иссопом благодати Божия окропи сердца наша, Йове преподобне, / твоим святым мощем поклоняющихся, да твоя ревности о вере причастившися, / ко исполнению заповедей Христовых добре потщимся.

Псаломски взывати к Богу на земли не преставал еси, и девства твоего сосуд соблюл еси: / темже на Небеси райския воспеваше нынче песни со Ангелы и всеми святыми, / люди же, на земли трудящиеся, от Вышних назирашеши.

О, колика жития твоего нетленная красота, о, колика по смерти твоей чудеса и исцеления! / Се бо земная оставив, воистинну сторицею Небес-

ная блага еще в житий, / паче же во грядущем,
по глаголу Христову стяжал еси.

О, ко́лико грехов наших мно́жество! / Но сия
превосхо́дит твоих молитв крѣпость, ихже не
лиши нас, отче преподобне́ Йове, / дру́же Хри-
стов и святых всех соприча́стниче, / церковный
столпе и о душа́х человеческих предста́телю
теплѣйший.

Богородичен:

Зачала еси, Дево, без семене, вся́ческая соз-
да́вшего Слово Бо́жие, кроме хотений плотских, /
и без исления родила́ еси, без болѣзней
ма́терних. / Тем Тя, Богородицу, и язы́ком, и
се́рдцем испове́дающе, велича́ем.

Светилен.

Подобен: Свете неизменный:

Йов преподобный днесь да восхва́лится / яко
Христов во́ин и о людех моли́твенник, / веры
проповедник, е́реси обличитель и Цѣркве укра-
ше́ние.

Слава и ныне:

Тя песньми немолчными ублажа́ем, Дево, / яко
от Тро́ицы Единого родила́ еси, Богоро́дице, / и
носи́ла еси на Божественных объ́ятиих Пресу́ще-
ственное Слово, невращно и неизмѣнно.

На хвалитех стихиры на 4, глас 4:

Просия́ша подвизи твои / во стране Га́лицтей,
отче Йове, / темже Православия ревни́тели / в
зе́млю Во́лынскую тебе глаша́ют, / и обитель
Дубенская / твоим преподобным житием
украшается, / но того совершение / Поча́евская
Ла́вра приемлет, / вся же страна сия учёными
твоими просвещается.

Братолюбиво́е твое се́рдце, преподобне, / мо-
на́хов мно́жества на го́ру Поча́евскую привлече́, /
ихже спасения был еси ревни́тель; / темже и мы
апостольский глагол ве́дуще, / яко никогда́же
престаёт духо́вная любви́, / твоему чудесному по-
печению́ ду́ши на́ши вверя́ем, / яже приведи́ ко
Иису́су Человеколю́бцу.

Не сме́яше тлѣние косну́ться / ме́ртваго телесе́
твоего, преподобне, / еже чрез все жити́е
умерщвлял еси, / душа же твоя, живущи со

А́нгелы, / вся притека́ющая к тебе в свою любовь
приёмлет./ Темже и на́ша ду́ши приведи ко
Иис́усу Человеколю́бцу.

Слава, глас 8:

**Не довлéют словеса́ наша к восхвалéнию под-
виг твоих, / преподобне Йо́ве: / кто бо изочтёт
твоих добродетелей полноту́, / кто уразумеет без-
мо́лвное твое к Богу собеседование, / но не отри-
ни твоя певцы и духовныя ча́да, / твоего заступ-
ления просящия, / и о твоем святем житии
умиляющихся, / и во твоей памяти веселящихся.**

И ныне: Владычице, прими:

Славословие великое. Ектении и отпуст.

На Литургии: служба вся преподобническая.

зри Вedomо буди, яко память преподобнаго Йо́ва соверша́ется в
день блаже́нных кончины его, октября в 28 день, и в день
обретения святых мощей его, августа в 28 день, егда во святей
Поча́евской Лавре святыя мощи его изно́сятся в великую
церковь. Аще убо память преподобнаго случится в неделю,
соверша́ем всю службу его по 3-й главе Типикона; аще же в
субботу, по 15-й от зри неизмéнно. Третьцею же творим память
преподобнаго Йо́ва мая в 6-й день. В сей день на повечéрии
поем службу святаго Йо́ва Многострада́льнаго, прб́чее же
совокупля́ем службу преподобнаго с Триодию, якоже во главе
Иоáнна Богосло́ва указа́ся, еже зри месяца тогóжде во 8-й день.



К странице 718

Ин тропарь

святыя великомученицы Параскевы, глас 8:

**Иже веруя и мужеством душевным,
тезоименитне, / диавола посрамила еси / и мучи-
тельское прещение и раны доблественне победила
еси, / мученице Параскево, вопия: / мечем сосецай-
те и огнем сожизайте тело мое, / яко да, радуясь,
прииду Жениху моему Христу Богу. / Егоже моли
спастися душам нашим.**

